

程

西湖遊覽志餘第十卷

錢唐田汝成輯撰

才情雅致

白樂天之守杭州也放浪湖山耽昵聲妓新詞艷曲
布浹郡中其湖上春行詩孤山寺北賈亭西水面
初平雲脚低幾處早鶯爭暖谷誰家新鶯啄春泥
亂花漸欲迷人眼淺草猶能沒馬蹄最愛湖東行
不足綠楊陰裏白沙堤春題湖上詩湖上春來侶
畫圖亂峰圍繞水平鋪松排山向千重翠月照波
心一粒珠碧毯綠頭抽早麥青羅裙帶展新蒲未

能拋得杭州去一半勾留是此湖餘杭形勝詩餘
杭形勝四方無州傍青山縣枕湖遶郭荷花三十
里拂城松樹一千株夢兒亭古傳名謝教妓樓新
道姓蘇獨有使君年太老風流不稱白髭鬚湖上
招客送春泛舟詩欲送殘春招酒伴客中誰最有
風情兩瓶若下新求得一曲霓裳初教咸排比管
絃行翠袖指麾舫舫點紅旌慢牽好向湖心去恰
侶菱花鏡裏行

元白之在當昔聲華略等樂天守杭州而微之除浙
東觀察使比壤而居詩筒往來殆無虛日嘲獎雜

陳亦一時盛事也微之以州宅誇樂天詩州城迥
遶拂雲堆鏡水稽山滿眼來四面常時對屏幃一
家終日在樓臺星河侶向簷前落鼓角驚從地底
回我是王皇香案吏謫居猶得住蓬萊樂天答之
詩賀上人回得報書大誇州宅侶僊居厭看馮翊
風沙久喜見蘭亭烟景初日出旌旗生氣色月明
樓閣在空虛知君暗數江南郡除却餘杭盡不如
微之重誇州宅詩僊都難畫亦難書暫仕登臨不
合居繞郭烟嵐新雨後滿山樓閣上燈初人聲晚
動千門闕湖色宵涵萬象虛爲問西川羅剎岬濤

頭衝突近何如樂天答之詩君問西州城下事醉
中疊紙爲君書嵌空石面標羅刹壓捺潮頭敵子
胥神鬼會鞭猶不動波濤雖打欲何如誰知太守
心相似抵滯堅頑兩有餘又答微之詩可憐風景
浙東西先數餘杭次會稽禹廟未勝天竺寺錢湖
不羨若耶溪擺塵野鶴春毛煖拍水沙鷗濕翅低
更對雪樓君愛否紅欄碧甃點銀泥又以西湖誇
微之詩上馬復呼賓湖邊景氣新管絃三數事騎
從十餘人立換登山屐行携漉酒巾逢花看當妓
遇草坐爲茵西日籠黃柳東風蕩白蘋小橋裝鴈

齒輕浪甃魚鱗畫舫牽徐轉銀船酌慢巡野情遺
世累醉態任天真彼此年將老平生分取親皇天
從所欲遠地得爲隣雲樹分三驛煙波限一津翻
嗟寸步隔却厭尺書煩浙西稱雄鎮山陰委重臣
貴垂長紫綬榮駕大朱輪出動鎗刀隊歸生道路
塵鴈驚弓易散鷗怕鼓難馴百吏瞻相面千夫奉
擁身自然佳興少應負鏡湖春

樂天之旣去杭州也不勝回戀之思其詩云除官去
未閒半月恣幽討朝尋霞外寺暮宿波上島新木
少於松平湖半連草躋攀有次第賞玩無昏早有

時騎馬醉兀然冥天造窮通與死生其柰吾懷抱
江山信爲美齒髮行將老在郡誠未厭歸鄉去亦
好留別郡齋詩吟山歌水嘲風月便是三年官滿
時春爲醉眠多閉閣秋因晴望暫褰帷更無一事
移風俗唯化州民解詠詩留別天竺靈隱兩寺詩
在郡六百日入山十二回宿因月桂落醉爲海榴
開黃紙除書到青宮詔命催僧徒多悵望賓從亦
徘徊寺暗烟埋竹林香雨落梅別橋憐白石辭洞
戀青苔漸出松間路猶飛馬上盃誰教冷泉水送
我下山來留別西湖詩征途行色慘風烟祖帳離

聲咽管絃翠黛不須留五馬皇恩只許住三年綠
藤陰下鋪歌席紅藕花中泊妓船處處回頭盡堪
戀就中難別是湖邊杭州廻舫詩自別錢唐山水
後不多飲酒懶吟詩欲將此意憑廻棹與報西湖
風月知九日思杭州舊遊寄周判官及諸客詩忽
憶郡南山頂上昔時同醉是今辰笙歌委曲聲延
耳金翠動搖光照身風景不隨宮相去歡娛應逐
使君新江山賓客皆如舊唯是當筵換主人送姚
杭州赴任因思舊遊詩與君細說杭州事爲我畱
心莫等閒問里固宜勤撫恤樓臺亦要數躋攀笙

西泠志卷一
四
歌縹緲虛空裏風月依稀夢想間且喜詩人重管
領遙飛一盞賀江山其二渺渺錢唐路幾千想君
到後事依然靜逢竺寺猿偷橘閒看蘇家女採蓮
故妓數人憑問訊新詩兩首倩流傳舍人雖健無
多興老校當時八九年客客問杭州詩爲我踟蹰
停酒盞與君約略說杭州山名天竺堆青黛湖號
錢唐瀉綠油大屋簷多裝鴈齒小航船亦畫龍頭
所嗟水路無三百官繫何因得再遊
杭州華麗雖盛於唐時然其題詠自白舍人張處士
之外亦不多見獨杜荀鶴方玄英溫飛卿諸詩頗

得風物之勝杜荀鶴錢唐寄姚中丞詩豈謂無心
求上第難居帝里爲家貧江南江北閒爲客潮去
潮來老却人兩岼雨收鶯語柳一樓風滿角吹春
花前不獨垂鄉淚曾是朱門寄食身方玄英旅次
錢唐詩此處是鄉國堪爲朝夕吟雲藏吳相廟樹
引越山禽潮落海人散鐘遲秋寺深我來無舊識
誰見寂寥心詩中四句不書題目一吟可知其爲
錢唐也溫飛卿錢唐詩錢唐岼上春如織森森寒
湖帶晴色淮南遊客馬連嘶碧草迷人歸不得風
飄客意如吹烟纖指殷勤傷鴈絃一曲堂堂紅燭

筵金鯨瀉酒如飛泉

白樂天爲杭州刺史令訪牡丹獨開元寺僧惠澄近
自京師得之植於庭時春景方深惠澄設油幕覆
其上徐凝自富春來未識樂天先題詩曰此花南
地知難種慚愧僧閒用意栽海鷲解憐頻睥睨胡
蜂未識更徘徊虛生芍藥徒勞妬羞殺玫瑰不敢
開唯有數苞紅萼在含芳只待舍人來樂天到寺
看花乃命凝同醉而歸時張祐榜舟而至二生各
希首薦樂天曰二君論文若廉白之闔鼠穴勝負
在於一戰也遂試長劍倚天外賦餘霞散成綺詩

試訖解送凝爲元祐次之祐曰祐甘露寺詩有日
月光先到山河勢盡來金山寺詩有樹影中流見
鐘聲兩岸聞雖慕母潛云塔影挂青漢鍾聲和白
雲此句未爲佳也凝曰美則美矣爭如老夫廬山
瀑布詩今古長如白練飛一條界破青山色凝遂
擅場祐嘆曰榮辱紛紛亦何常也遂行歌而邁凝
亦鼓枻而歸

杭州元宵之盛自唐已然白樂天詩云歲熟人心樂
朝遊復夜遊春風來海上明月在江頭燈火家家
市笙歌處處樓無妨思帝里不合厭杭州

唐大中十二年令狐綯薦李遠爲杭州宣宗曰聞李遠有詩曰長日惟消一局棋豈可使治郡哉對曰詩人之言不足泥也李遠廉察有聞雅宜治郡後遠治郡有聲固宰相之知人而亦宣宗之言有以警之也

宋慶曆間范文正公仲淹知杭州有惠政嘗作西湖絕句云長憶西湖勝鑑湖春波千頃綠如鋪吾皇不讓明皇美可賜踈狂賀老無公詩不多見觀此其山水襟懷亦不淺也

陳文惠公述古守杭州喜江南梅度支至二首淡薄

交情老更濃爲君彈瑟送金鍾
芋羅香徑無人到姑射僊姿在處逢
鸞鶴品流慙晚達烟霞門戶憶先容
公餘莫放西湖景步步蒼苔岬岬松
其二公望當年最得君畫圖城郭喜同群
門前碧浪家家海樓上青山寺寺雲
松下玉琴邀鶴聽溪邊苔石共僧分
情多景好知難盡且倒金尊任半醺
杭州繁盛自前宋時已然此詩錢唐景物已畧盡矣又題林和靖水亭詩云城外逋翁宅開亭野水寒冷光浮荇葉靜影浸渙竿吠犬時迎客飢禽忽上闌踈籬僧舍近嘉樹鶴庭寬拂砌烟絲裊侵牕筍戟

西泠志餘卷十
七
攢小橋橫落日幽徑轉層巒好景吟何極清歡盡
亦難憐君畱我意重疊取琴彈

嘉祐二年梅公儀摯以龍圖閣直學士出守杭州仁
宗賜之詩云地有湖山美東南第一州剖符宣政
化持橐輟才流暫出論思列遙分旰屨憂循良勤
撫俗來暮聽歡謳摯既履任名其堂曰有美歐陽
求叔爲之記蔡君謨爲之書士夫題詠者甚多蘇
子瞻倅杭嘗令從史盡錄其詩不著姓字默定高
下以賈耘老爲首其詩云自刊宸畫入雲端神物
應須護翠巒吳越不藏千里色斗牛常占一天寒

四簷聖盞回頭懶萬像搜來下筆難誰信靜中疎
拙意略無踪蹟到波瀾

梅公儀之守杭州也歐陽永叔贈之詩云萬室東南
富且繁羨君風力有餘閒澳樵人樂江湖外談咲
詩咸尊俎間日煖梨花催送酒天寒桂子落空山
郵筒不絕如飛翼莫惜新篇屢往還

蘇子瞻守杭守穎皆有西湖故穎川謝表云入參兩
禁每玷北扉之榮出典二州輒作西湖之長秦少
章詩云十里薰風齒齒初我公所至有西湖欲將
公事湖中了見說官閒事亦無後謫惠州亦有西

湖楊萬里詩云三處西湖一色秋錢唐汝穎及羅
浮東坡元是西湖長不到羅浮便得休

子瞻守杭日春時每遇休暇必約客湖上早食于山
水佳處飯畢每客一舟令隊長一人各領數妓任
其所適晡後鳴鑼集之復會望湖樓或竹閣極歡
而罷至一二鼓夜市猶未散列燭以歸城中士女
夾道雲集而觀之故其詩云遊舫已粧吳榜穩舞
衫初試越羅新又云映山黃帽螭頭舫夾道青烟
雀尾爐誠熙世樂事也

子瞻兩任杭州似有宿緣而放浪湖山耽昵聲色樂

天之後一人而已其與趙德麟餞飲湖上對月詩
老守惜春意主人畱客情官餘閒日月湖上好清
明新火發茶乳溫風散粥飴酒闌紅杏閣日落大
堤平清夜除燈坐孤舟擘岍撐逮君幘未墜對此
月猶橫同曹子方雪中遊湖詩詞源灩灩波頭展
清唱一聲巖谷滿未容雪積句先高豈獨湖開心
自遠雲山已作歌眉淺山下碧流清似眼尊前侑
酒只新詩何異書魚餐蠹簡和蔡準遊湖詩夏潦
漲湖深更幽西風落木芙蓉秋飛雪暗香雲拂地
新蒲出水柳映洲湖上四時看不足惟有人生飄

若浮解顏一咲豈易得主人有酒君應畱君不見
錢唐遊宦客暮決獄朝推囚不有人喚何時休懷
西湖寄晁美叔詩西湖天下景遊者無愚賢淺深
隨所得誰能識其全嗟我本強直早爲世所捐獨
專山水樂付與寧非天三百六十寺幽尋送窮年
所至得其妙心知口難傳至今清夜夢耳目餘芳
鮮君持使者節風采爍雲烟清流與碧巘安肯爲
君妍胡不屏騎從蹇借僧榻眠讀我壁間詩清涼
洗煩煎策杖無道路直造意所便應逢古漁父葦
間自負綠問道若有得買魚勿論錢湖上三絕句

詩朝晞迎客豔重岡晚雨畱人入醉鄉此意儘佳
人不識一盃當屬水僊王湖光瀲灩晴偏好山色
空濛雨亦奇若把西湖比西子淡粧濃抹總相宜
畢竟西湖六月中風光不與四時同接天蓮葉無
窮碧映日荷花別樣紅

有美堂在鳳山之頂左江右湖舉陳目下子瞻九日
泛湖而魯少卿會客堂上妓樂殷作子瞻從湖中
望之戲以詩云指點雲間數點紅笙歌正擁紫髯
翁誰知愛酒龍山客却在漁舟一葉中又云西閣
珠簾捲落暉水沉烟斷珮聲微遙知通德凄凉甚

擁髻無言怨未歸。通德乃趙飛燕女史，後爲伶玄。妾魯公使事已完，不回朝家，有美妾故子瞻譏之。一日子瞻會客堂上，妓樂殷作，周長官邠同數僧。泛湖戲以詩于瞻，因和二首。雷雷君詩似嶺雲從來不許醉紅裙，不知野屐穿山翠，惟見輕橈破浪紋。頗憶呼盧袁彥道，難邀罵坐灌將軍。晚風落日元無主，不惜清涼與子分。又云載酒無人過子雲，掩關晝臥容書裙。歌喉不共聽珠貫，醉面何因作纈紋。僧侶且陪香火社，詩壇欲斂鸛鵝軍。憑君遍遶湖邊寺，漲漲晴來已十分。

子瞻之去郡也，有蘇軾唐寄陳述古詩，從來直道不辜身，得向西湖兩過春。沂上已成曾黜服，泮宮初采魯侯芹。休驚歲歲年年貌，且對朝朝暮暮人。細雨晴時一百六，畫船鼙鼓莫違民。其二草長江南鶯亂飛，年來事事與心違。花開後院還空落，鷺入華堂恠未歸。世上功名何日是，尊前黜檢幾人非。去年柳絮飛時節，記得金籠放雪衣。其三浮玉山頭日日風，湧金門外已春融。二年魚鳥渾相識，三月鶯花付與公。剩看新翻眉倒暈，未應泣別臉消紅。何人識得相思字，寄與江邊北向鴻。蓋宋時杭

人四月八日放鵠爲太守祈壽故有金籠放雪衣
之句又西湖懷舊行香子調携手江村梅雪飄裙
情何限處處銷魂故人不見舊曲重聞向望湖樓
孤山寺湧金門尋常處題詩千首綉羅衫與拂紅
塵別來相憶知是何人有湖中月江邊柳隴頭雲
熙寧初議行新法子瞻方言不便及出判杭州遂以
詩語賈禍其詩云老翁七十自腰鎌慚愧春山筍
蕨甜豈是聞韶解忘味邇來三月食無鹽以其譏
鹽汰太急而民皆淡食也又云杖藜裹飯去匆匆
過眼青錢轉手空贏得兒童好音語一年強半在

城中譏青苗汰行鄉村小民不得安堵歛歛也又
云吳兒生長狎濤淵冒利忘生不自憐東海若知
明主意應教斥澗變桑田譏王上好興水利猶以
斥澗變桑田終無成日也子瞻得罪固出無辜而
露才取忌亦當自引

杭州巨美得白蘇而益章考其治績怡情往往酷似
樂天詩云問里固宜勤撫恤樓臺亦要數躋攀子
瞻亦云細雨晴時一百六書撓鼉鼓莫違民樂天
詩云笙歌委曲聲延耳金翠動搖光照身子瞻亦
云剩看新翻眉倒暈未應泣別臉消紅樂天詩云

故妓數人憑問訊。新詩兩首倩流傳。子瞻亦云休
驚歲歲年年貌。且對朝朝暮暮人。樂天取天竺竒
石受代携歸。詩云三年爲刺史。飲水復食糜。唯向
天竺山。取得兩片石。此直抵千金。無乃傷清白。子
瞻亦云在郡依前六百日。山中不記幾回來。還將
天竺一峰去。欲把雲根到處栽。蓋子瞻景慕惟在
樂天。故摹擬之詞。比比歌詠。如云出處依稀似樂
天。敢將衰朽較前賢。又云但遣先生披鶴氅。不須
更畫樂天真。殆有夢寐羨墻之想矣。

前輩任杭州而去者。往往思之。雖其山水清佳。亦其
民風淳樞。易感也。白樂天則云。自別錢唐山水。
不多飲酒。懶吟詩。又云所嗟水路無三百。官繫無
由得再遊。又云渺渺錢唐路。幾千想君到後事。依
然。又云江南憶。最憶是杭州。山寺月中尋桂子。郡
亭枕上看潮頭。何日更重遊。子瞻則云寄謝西湖
舊風月。故應時許夢中遊。又云居杭積五歲。自憶
本杭人。故山歸無家。欲買西湖隣。又云前生我已
到杭州。到處長如到舊遊。更欲洞霄爲隱吏。一庵
閒地且相畱。二公之戀戀於舊遊。蓋必有以取之
爾。

王平甫以杭州誇王勝之詩遊覽須知此地佳紛紛
人物敵京華林巒臘雪千家水城郭春風二月花
彩舫笙歌吹落日畫樓燈燭映殘霞如君援筆宜
摹寫付與塵埃北客誇又西湖春日詩爭得才如
杜牧之試來湖上輒題詩春烟寺院敲茶鼓夕照
樓臺卓酒旗濃吐雜芳薰嘯嘒濕飛雙翠破漣漪
人間幸有簑兼笠且上漁舟作釣師王介甫送張
仲容赴杭州孫公沔辟詩萬屋相誇添與丹笑歌
長在綺紈間綵船春戲城邊水畫燭秋尋寺外山
憶我屢隨遊客入喜君今趁辟書還遙知曼倩威

行久赤筆應從到日間二公之詩峭響俊麗真兄
弟也

梅聖俞西湖泛舟詩冰消湖已綠渺渺鴨頭春船學
吳兒刺吟希楚老新對山憐去鳥隔樹識遊人誰
念滄江上風柔採白蘋同諸韓及孫曼叔遊西湖
二律晚日城頭落輕鞍果下涼野蜂嚼水沫舟子
剝菱黃木老識秋氣徑幽聞草香幅巾聊自檢不
作楚人狂又云爍電未成雨涼風先入衣青天忽
開影紅日尚餘暉蛺蝶作團赴蜻蜒相對飛詭嘲
不覺夕跨馬月中歸三詩皆不載宛陵集

范石湖成大會客湖上詩。西湖水泮綠生鱗。料峭春風欲中人。花片不經寒食雨。柳絲還帶湧金春江。山契闊詩情在京洛。追隨客夢新喚取。歌聲作愁思。爲君吹水引杯頻。楊誠齋廷秀詩。蘇公堤遠柳生烟。和靖園深竹映關。船入芰荷香處去。人從雲水窟中還。似寒如暖清和在。欲雨翻晴頃刻間。能爲蓬萊老僊伯。一盃痛飲吸湖山。二公之詩。皎然。晚宋風格也。

宋時帥叅王洵者。詠西湖十景詩。蘇堤春曉云。孤山落月趁疎鐘。畫舫參差擘岸風。鶯夢初醒人未起。

金鴉飛上五雲東。斷橋殘雪云。望湖亭外半青山。跨水修梁影亦寒。待伴痕邊分草綠。鶴驚碎玉啄闌干。雷峯夕照云。塔影初收日色昏。隔牆人語近甘園。南山遊遍分歸路。半入錢唐半暗門。麴院風荷云。避暑人歸自冷泉。埠頭雲錦晚涼天。愛渠香陣隨人遠。行過高橋方買船。平湖秋月云。萬頃寒光一夕鋪。冰輪行處片雲無。鷺峰逢度西風冷。桂子紛紛點玉壺。柳浪聞鶯云。如簧巧囀最高枝。苑柳青歸萬縷絲。玉輦不來春又老。聲聲訴與落花知。花港觀魚云。一以惟餘舊姓傳。倚闌投餌說當

年沙鷗曾見園興廢。近日遊人又玉泉。南屏晚鐘
云涑水。岷碑半綠苔。春遊誰向此山來。晚烟深處
蒲牢響。僧自城中應。共回三潭印月云。塔邊分占
宿湖船。寶鑑開奩水接天。橫笛叫雲何處起。波心
驚覺老龍眠。兩峰插雲云。浮圖對立曉崔嵬。積翠
浮空霽靄迷。試向鳳凰山上望。南高天近北烟低。
孫何帥錢唐。柳耆卿作望海潮詞贈之云。東南形勝
三吳都會。錢唐自古繁華。烟柳畫橋。風簾翠幙。參
差十萬人家。雲樹繞隄沙。怒濤卷霜雪。天塹無涯。
市列珠璣。戶盈羅綺。競豪華。重湖疊巘。清佳。有三

秋桂子。十里荷花。羌管弄晴。菱歌泛夜。嬉嬉釣叟
蓮娃。千騎擁高牙。乘醉聽歌鼓。吟賞烟霞。異日圖
將好景。歸去鳳池誇。此詞流播。金主亮聞之。矚然
起投鞭渡江之想。命畫工潛入臨安圖。西湖揭軟
屏間。貌已像策馬吳山之巔。題其上曰。萬里車書
盡會同。江南豈有別疆封。提兵百萬西湖上。立馬
吳山第一峰。其時有謝厚者。詠其事云。誰把杭州
曲子謠。荷花十里桂三秋。那知卉木無情物。牽動
長江萬里愁。廬陵羅景綸云。耆卿此詞。乃逆亮送
死媒也。未足深悵。至於荷豔桂香。粧點湖山清麗

使士大夫流連歌舞忘顧中原是則可恨耳因和處厚詩云殺胡快劍是清謳牛渚依然一片秋却恨荷花畱王輦竟忘烟柳汴宮愁

廬陵劉改之過以詩鳴江西死於韋布放浪吳楚客食諸侯嘉泰間來臨安時辛稼軒弃疾帥越聞其名遣介招之適以事不及行作書歸輅者因倣辛體沁園春一詞併緘往下筆便逼真其詞云斗酒彘肩醉渡浙江豈不快哉被香山居士約林和靖與蘇公等駕勒吾回坡謂西湖正如西子濃抹淡粧臨照臺諸人者都掉頭不顧只管傳盃白云天

竺去來圖畫裏崢嶸樓觀開看縱橫一澗東西水遶兩山南北高下雲堆逋曰不然暗香疎影只可孤山先探梅蓬萊閣訪稼軒未晚且此徘徊棄疾得之大喜致餽數百千竟邀之去館燕彌月賫贈亶亶改之竟蕩于酒不問也常自以此辭語相臺岳珂掀然有得色珂曰詞語固佳恨無刀圭藥療君白日見鬼症耳一座爲之軒渠

辛棄疾遊湖酌江月詞西風吹雨戰新荷聲亂明珠蒼壁誰把香奩收寶鏡雲錦周遭紅碧飛鳥翻空遊魚吹浪慣聽笙歌席座中豪氣看君一飲千石

遙想處士風流鶴隨人去已作飛僊客茅舍竹籬
今在否松竹已非疇昔欲看當年望湖樓下水與
雲寬窄醉中休問斷腸桃葉消息劉改之遊湖賀
新郎詞睡覺啼鶯曉醉西湖兩峰日日買花簪帽
去盡酒徒無人問惟有玉山自倒任拍手兒童爭
笑一騎乘風翩然去避魚龍不見波聲悄歌韻遠
喚蘇小神僊路近蓬萊島紫雲深處參差禁樹烟
花遶人世紅塵西障日百計不如歸好付樂事與
他年少費盡柳金梨雪句問沉香亭北何時召心
未慙鬢先老二公詞格相肖宜其賓主投歡也

辛幼安嘗作晚春詞云更能消幾番風雨匆匆春又
歸去惜花長恨花開早何況亂紅無數春且住見
說道天涯芳草迷歸路怨春不語算只有殷勤畫
簷蛛網盡日惹飛絮長門事准擬佳期又誤娥眉
曾有人妬千金縱買相如賦脉脉此情難訴君莫
舞君不見玉環飛燕皆塵土閒愁最苦休去倚危
闌斜陽正在烟柳斷腸處此詞斜陽烟柳之句怨
刺頗深比之天際輕雲者殊無蘊藉壽皇見之怫
然不悅然亦不罪也

宋建炎中駕駐維揚康伯可上中興十策名振一時

宋後秦檜當國伯可乃附會求進擢爲臺郎值慈寧
歸養兩宮燕樂伯可專應制爲歌詞諛豔粉飾聲
名掃地而世但以比桺耆卿輩矣檜死伯可亦貶
五羊檜生日伯可壽以喜遷鶯詞云臘殘春早正
簾幙護寒樓臺清曉寶運當千佳辰餘五嵩嶽誕
生元老帝遣阜安宗社人仰雍容廊廟盡總道是
文章孔孟勲庸周召師表方春遇魚水君臣須信
從年少玉帶金魚朱顏綠鬢占斷世間榮耀篆刻
鼎彝將遍整頓乾坤都了願歲歲見桺梢青淺梅
英紅小又嘗與檜對局格天閣下檜戲曰此卒渡

河是爾將軍之疥癩伯可徐應曰今皇御極視公
宰相如腹心檜大喜撒棋酣飲終日而罷

康伯可嘗與右璫狎適睿思殿有徽祖御畫特爲卓
絕上時持玩以起羨墻之悲璫下直竊携至家而
伯可適來畱之飲因出示之伯可給璫入取殺核
輒書一絕于上曰玉輦宸遊事已空尚餘奎藻繪
春風年正花鳥無窮恨盡在蒼梧夕照中璫見之
大駭然無可柰何明日伺閒叩頭請死上大怒亟
取視之天威頓霽但一慟而已

康伯可西湖長相思詞云南高峰北高峰一片湖光

西華志卷一
十九
烟靄中春來愁殺儂郎意濃妾意濃油壁車輕郎
馬驄相逢九里松林和靖惜別長相思詞云吳山
青越山青兩岬青山相送迎誰知離別情君淚盈
妾淚盈羅帶同心結未成江頭潮已平和靖隱士
也而亦爲華豔之詞失其體矣

吳郡王益者憲聖太后弟也德壽特親愛之入宮每
用家人禮憲聖常持盈滿之戒每告之曰凡有宴
召非得吾言不可擅入一日王竹冠練衣芒鞋筇
杖獨携一童縱行三竺靈隱山中濯足冷泉盤石
上遊人望之儼如神僊遂爲邏者奏聞次日德壽

以小詩召之曰趁此一軒風月好橘香酒熟待君
來令小璫持賜王遂亟往光堯迎笑曰昨者冷泉
之遊樂乎王恍然頓首謝光堯曰朕宮中亦有此
景卿欲見之否蓋疊石引泉象飛來香林之勝架
堂其上冷泉亭中揭一畫乃圖王野服濯足于盤
石上且御製一贊云富貴不驕戚畹稱賢掃除膏
梁放曠林泉滄浪濯足風度瀟然國之元舅人中
神僊于是盡醉而罷因舉圖以賜之

吳郡王及平原郡王皆豪貴以奢侈相高爭華競靡
有石崇王愷之風吳府後翠堂七楹全以石青爲

飾故得名專爲諸姬教習聲伎之所一時伶官樂師皆梨園國工也吹彈舞拍各有總之者號爲部頭每遇節序生辰則旬日外依月律按試名曰小排當雖中禁教坊所無也只笙一部已是二十餘人自十月旦至二月終日給焙笙炭五十觔用錦燠籠藉笙于上復以四和香燠之蓋笙簧必用高麗銅爲之靚以綠臈簧暖則字正而聲清越故必用焙而後可陸天隨詩云妾思冷如簧時時望君暖樂府亦有簧暖笙清之語舉此一事餘可想見也

張鎡功甫號約齋忠烈王諸孫能詩一時名士大夫莫不交遊其園池聲妓服玩之麗甲天下嘗于南湖園作駕霄亭於四古松間以巨鐵絙懸之空中而羈之松身當風月清夜與客梯登之飄搖雲表真有挾飛僊遡紫清之意王簡卿侍郎嘗赴其牡丹會云衆賓旣集坐一虛堂寂無所有俄問左右云香已發未答云已發命捲簾則異香自內出郁然滿座群妓以酒斝絲竹次第而至別有名妓數十輩皆衣白首飾衣領皆綉牡丹首戴照殿紅一妓執板奏歌侑觴歌罷樂作乃退復垂簾談論自

如良久香起捲簾如前別數十妓易服與花而出
大抵簪白花則衣紫紫花則衣鵝黃黃花則衣紅
如是十盃衣與花凡十易所謳者皆前輩牡丹名
詞酒竟歌者樂者無慮百數十人列行送客燭光
香霧歌吹雜作客皆恍然如僊遊也功甫於誅韓
侂冑有力賞不滿意又欲以故智去彌遠事泄謫
象臺而殂

張功甫爲梅園於湖上作堂其間曰玉照堂其自叙
梅花爲天下神奇而詩人尤所酷好淳熙歲乙
巳予得曹氏荒圃于南湖之濱有古梅數十散輟

地十畝移種成列增取西湖北山別圃紅梅合
百餘本築堂數間以臨之又挾以兩室東植千葉
細梅西植紅梅各一二十章前爲軒楹如堂之數
花時居宿其中環潔輝映夜如對月因名曰玉照
復開澗環繞小舟往來未始半月捨去自是客有
遊桂隱者必求觀焉頃者太保周益公秉鈞予嘗
造東閣坐定首顧予曰一棹徑穿花十里滿城無
此好風光蓋予舊詩尾句衆容相與歆豔於是遊
玉照者又必求觀焉值春凝寒又能畱花過孟月
始盛名人才士題詠層委亦可謂不負此花矣但

花豔並秀非天時清美不宜又標韻孤特若三閭
首陽二子寧搞山澤終不肯頰首屏氣受世俗前
拂間有身親貌悅而此心落落不相領會甚至於
污褻附近畧不自揆者花雖眷客然我輩胸中空
惆幾為花呼叫稱寃不特三嘆而足也因審其性
情思所以為獎護之策凡數月乃得之今疏花
稱憎嫉榮寵屈辱四事總五十八條揭之堂上庶
來者有所警省且示人徒知梅花之貴而不能愛
敬也使予與之言傳布流誦亦將有媿色云花宜
稱凡二十六條為澹陰為曉日為薄寒為細雨登

賞花動技板之石
似何高列于此條
但原清芬不可用
梨園身

輕烟為佳月為夕陽為微雪為晚霞為珍禽
鶴為清溪為小橋為竹邊為松下為明牕為疎簾
為蒼厓為綠苔為銅瓶為紙帳為林間吹笛為膝
上橫琴為石秤下棋為掃雪煎茶為美人淡粧簪
戴花憎嫉凡十四條為狂風為連雨為烈日為苦
寒為醜婦為俗子為老鴉為惡詩為談時事為論
差除為花徑喝道為對花張緋縠為賞花動鼓板
為作詩用調羹驛使事花榮寵凡六條為烟塵不
染為鈴索護持為除地鏡淨落瓣不溜為主入旦
夕畱盼為詩人閣筆評量為妙妓淡粧雅歌花屈

西泠志卷十
三三
辱凡十二條。爲主人不好事。爲主人慳鄙。爲種富
家園內。爲與麴婢命名。爲蟠結作屏。爲賞花命猥
妓。爲庸僧牕下種。爲酒食店內插瓶。爲樹下有狗
屎。爲枝下。眈衣。裳。爲青紙屏粉畫。爲生猥巷穢溝
邊。

張功甫賞心樂事并序云。余掃軌林間。不知衰老節
物。千變花鳥泉石。領會無餘。每適意時。相羊小園。
殆覺風景與人爲一間。引客携觴。或幅巾曳杖。嘯
歌往來。澹然忘歸。因排比十有二月。燕遊次序名
之曰四并集。授小庵主人。以備遺忘。非有故當力

行之。然爲具真率。毋至勞費及暴殄。沉酒則天之
所以與我者。爲無負。無褻。昔賢有云。不爲俗情所
染。方能說法度人。蓋光明藏中。孰非遊戲。若心常
清淨。離諸取着。於有差別境中。而能常入無差別
定。則滌坊酒肆。徧歷道場。鼓樂音聲。皆談般若。倘
情知物隔境。逐源移如鳥黏羈。動傷軀命。又烏知
所謂說法度人者哉。聖朝中興七十餘載。故家流
風淪落。幾盡有聞。前輩典刑。識南湖之清狂者。必
長哦曰。人生不滿百。常懷千載憂。晝短苦夜長。何
不秉燭遊。一旦相逢不爲生。客嘉泰元年歲辛酉

十有二月約齋居士書 正月歲節家宴 立春

日春盤 人日煎餅會 王照堂賞梅 天街觀

燈 諸館賞燈 叢奎閣山茶 湖山尋梅 攬

月橋看新柳 安閑堂掃雪 二月現樂堂瑞香

社日社飯 王照堂西緝梅 南湖挑菜 王

照堂東紅梅 餐霞軒櫻桃花 杏花莊杏花

群僊繪幅前樓打球 南湖泛舟 綺互亭千葉

茶花 馬塍看花 三月生朝家宴 曲水流觴

花院月丹 花院桃柳 寒食郊遊 蒼寒堂

西緝碧桃 滿霜亭北棣棠 碧宇觀筍 芳草

亭觀草 鬪春堂牡丹芍藥 宜雨亭千葉海棠

豔香館林檎 花院紫牡丹 宜雨亭北黃醬

薇 現樂堂大花 花院賞煮酒 瀛巒勝處山

茶 經寮鬪茶 群僊繪樓芍藥 四月初八日

亦庵早齋 南湖放生食糕糜 芳草亭鬪草

芙蓉池新荷 葢珠洞茶蘂 滿霜亭菊花 王

照堂青梅 豔香館長春花 安閑堂紫笑 群

僊繪幅樓前玫瑰 餐霞軒櫻桃 詩禪堂盤子

山丹花 南湖雜花 鷗渚亭五色鸞粟花 五

月清夏堂觀臭 聽鶯亭摘瓜 安閑堂解粽

重午節泛蒲 煙波觀碧蘆 夏至日鷲齋 綺
互亭大笑花 南湖萱花 水北書院采蘋 鷗
渚亭五色蜀葵 清夏堂楊梅 叢奎閣前榴花
豔香館 蜜林檎 摘星軒枇杷 六月現樂堂
南白酒 樓下避暑 蒼寒堂後碧蓮 碧宇竹
林避暑 芙蓉池賞荷花 約齋夏菊 清夏堂
新荔枝 霞川食桃 七月叢奎閣前乞巧 餐
霞軒五色鳳 僊花 立秋日秋葉 玉照堂玉簪
西湖荷花 南湖觀魚 應鉉齋東葡萄 黃霞
川水蘊 珍林剝棗 八月湖山尋桂 現樂堂

秋花 社日糕會 衆妙峰山木犀 霞川野菊
綺互亭千葉木犀 浙江觀潮 群僊繪幅樓
觀月 桂隱攀桂 杏花莊鷄冠 黃葵 九月重
九登城把萸 把菊亭采菊 蘇堤看芙蓉 珍
林嘗時果 景全軒金橘 芙蓉池三色拒霜
杏花莊筍新酒 十月現樂堂暖爐 金滿霜亭蜜
橘 煙波觀買市 賞小春花 杏花莊挑薺
詩禪堂試香 十一月摘星軒枇杷花 冬至節
餽飽 味空亭臍梅 蒼寒堂南天竺 花院水
僊 群僊繪幅樓前觀雪 十二月綺互亭檀香

臈梅 天街閱市 南湖賞雪 安閑堂試燈

湖山探梅 花院蘭花 瀛壖勝處觀雪

四夜錫果食 玉照堂看早梅 除夜守歲

趙孟堅字子固號葵齋宋諸王孫也修雅博識善筆札工詩文酷嗜法書多藏三代以來金石名蹟遇其會意時雖傾囊易之不靳也又善作梅竹往往得逸禪石室之妙於山水爲尤奇時人珍之襟度蕭爽有六朝諸賢風氣時比之米南宮而子固亦自以爲不歉也東西薄遊必挾所有以自隨一舟橫陳僅畱一席爲偃息地隨意左右取之撫摩吟

諷至忘寢食所至識不識望之而知爲米家書畫船也嘗客行都會嘗蒲節周公謹偕一時好事者邀子固各携所藏買舟湖上相與評賞飲酣子固脫帽以酒晞髮箕踞歌離騷傍若無人薄暮入西泠橋掠孤山艤擢茂樹間指林麓最幽處瞪目絕叫曰此真洪谷子董北苑得意筆也隣舟數十皆驚駭絕嘆以爲真謫僊人異時有蕭千岩者得舊藏襖叙後歸之俞壽翁家子固復從壽翁善價得之喜甚乘舟夜汎而歸至雪之弁山風作舟覆行李淅溺無餘子固方被濕衣立淺水中手持襖帖

示人曰蘭亭在此餘不足介意因題八言于卷首
云性命可輕至寶是保蓋其酷嗜雅尚出于天性
如此

山陰陸放翁務觀之出也韓平原實招致之所作南
園闕古泉二記時雖稱頌而有規勸之忠焉故平
原敗而猶得免禍其題武林詩皇輿久駐武林宮
汴洛當時未易同廣陌有風塵不起長江如練水
常通樓臺飛舞祥烟外鼓吹喧呼明月中六十年
間幾來往都人誰解記衰翁臨安春霽詩世味年
來薄似紗誰憐騎馬客京華小樓昨夜聽春雨深

巷今朝賣杏花矮紙斜行開作草晴牕細乳戲分
茶布衣莫動風塵嘆猶及清明可到家
韓無咎元吉雨中聞呂伯恭至湖上詩云莫嫌鞭馬
踏春泥茶鼎詩囊偶共獲山色雲深看更好湖光
烟接壘還迷連天花絮飛將盡夾道蒲荷長欲齊
官事得閒須洗眼蓬壺只在帝城西伯恭乃元吉
之壻也

林外字豈塵泉南人詞翰瀟爽談論不羈飲酒無筭
在上庠暇日獨遊西湖幽寂處坐小旗亭飲焉外
丰姿都雅角巾鶴氅飄飄若神僊置虎皮錢篋數

西清志餘卷十
二十八
枚藏腰間每出其一命酒家傾之視錢計酒直酒
且盡復傾一篋迨暮凡飲數斗不醉而篋中之錢
若循環無窮肆中人驚異將去索筆題壁間云藥
爐丹竈舊生涯白雲深處是吾家江城戀酒不歸
去老却碧桃無限花明日都下喧傳某肆有神僊
至飲云

番陽張彥實其兄楚材爲秘書監約彥實觀梅西湖
彥實作詩云天上新驂寶輅回看花仍趁雪霏開
折歸恐負金焦葉笑插新臨玉鏡臺女堞未須翻
角調錦囊先喜助詩材少蓬自是調羹手葉底應

尋好句來時楚材再婚故及玉鏡臺事秦檜當國
見其詩喜之遂擢左史

張郎中子野居錢唐以樂府馳名人謂之張三中謂
心中事眼中淚意中人也公曰何不自我爲張三
影謂雲破月來花弄影浮萍斷處見山影隔牆送
過鞦韆影蘇子瞻倅杭時子野年八十五矣尚聞
買妾子瞻贈之詩云錦里先生自笑狂莫欺九尺
鬢眉蒼詩人老去鶯鶯在公子歸來燕燕忙柱下
相君猶有齒江南刺史已無腸平生謬作安昌客
畧遣彭宣到後堂

趙師秀之旅寓杭州也有終焉之志其孤山寒食詩云三月芳菲在水邊旅人消困亦隨緣晴舒蝶羽初勻粉雨壓楊花未放綿有句自題閒處壁無錢難上貴時船最憐隱者高眠地日日春風是管絃又冷泉夜坐詩衆境碧沉沉前峰月正臨樓鐘晴聽響池水夜觀深清淨非人世虛空見佛心却尋來處宿風起古松林趙紫芝戀戀西湖以終其生錢唐詩人大率如此當昇平時看人富貴以一身混其中亦不爲大無聊也其卒也劉克莊輓之詩云奪到斯人處詞林亦可悲世間空有集天下便無詩盡出香分妓惟畱視付兒傷心湖上塚誰莖復誰碑

劉後村潛夫贈高九萬并寄孫李蕃詩二首諸人凋落盡高叟亦中年行世有十首買山無一錢紫髯長拂地白眼冷看天古道微如綫吾儕各勉旃其二菊圃說花翁飄零向浙中無書上皇帝有句惱天公世事年年異詩人個個窮築臺并下榻今豈乏英雄三人者老于花酒情懷頗同時有詩禁故作詞爲多

孫花翁李蕃送女冠還俗詩脫却霞綃上醮衣女童

鬢髻絲楊垂重調螺黛爲眉淺再試弓鞋舉步遲
紫府烟花鶯喚醒丹房雲雨鶴通知簾低紅杏春
風暖清夢應曾見舊師段吉甫天佑送妓入道詩
歌舞當年第一流洗粧今日別青樓便從南嶽夫
人去肯爲蘇州刺史留琳館月明簫鳳下瑣窗花
老鏡鸞收却憐愁絕濟陽婦嫁得商人已白頭事
相反而語皆工吉甫元時浙江儒學提舉也妓名
李當當故教坊絕色者

西湖遊覽志餘第十卷終

西湖遊覽志餘第十一卷

錢唐田汝成輯撰

才情雅致

梁貢父曾燕京人大德初爲杭州總管嘗作西湖送
春木蘭花慢詞云問花花不語爲誰落爲誰開算
春色三分半隨流水半入塵埃人生能幾歡笑但
相逢樽酒莫相推千古幕天席地一春翠繞珠圍
彩雲回首暗高臺烟樹渺吟懷拚一醉畱春畱春
不住醉裏春歸西樓半簾斜日怪啣春燕子却飛
來一枕青樓好夢又教風雨驚回此詞格調俊雅

不讓宋人也

小雲石海涯者，阿里海涯之孫也。其父名貫，只哥雲石。遂以貫爲氏。號酸齋。年十二三，膂力絕人。使健兒驅三惡馬疾馳，持槊立而待馬至，騰上之。越二而跨三，運槊生風，觀者辟易。或挽疆射生，逐猛獸，上下峻阪如飛。諸將咸服其趨捷，稍長折節讀書，目五行，下吐辭爲文，不蹈故常，意旨皆出人意外。表仁宗時爲翰林學士，稱疾還江南，賣藥錢唐市中。結廬龍華山，詭姓名易服色，人無識者。偶過梁山，梁見漁父織蘆花爲被，欲易之，以紬漁父疑其爲

人。陽曰：君欲吾被，當更賦詩。遂援筆賦云：採得蘆花不浣塵，翠簑聊復藉爲裯。西風刮夢秋無際，夜月生香雪滿身。毛骨已隨天地老，聲名不讓古今貧。青綾莫爲鴛鴦妬，款乃聲中別有春。竟持被去，人間喧傳蘆花被詩。其依隱玩世多類此。酸齋有二妾，名洞花、幽草。酸齋臨終有辭世詩云：洞花幽草結良緣，被我瞞他四十年。今日不留生死相，海天秋月一般圓。

貫雲石隱居錢唐，一日郡中數衣冠士人遊虎跑泉，飲間賦詩以泉字爲韻，中一人但哦泉泉泉，久不

西海元龜卷十一
能就忽一曳曳杖而至問其故應聲曰泉泉亂
迸珍珠箇箇圓王斧斫開頑石髓金鈎搭出老龍
涎衆驚問曰公非貫酸齋乎曰然然然遂邀同飲
盡醉而去

鄧善之文原其先綿州人父漳徙錢唐遂爲錢唐人
至元中爲杭州路儒學正以春秋立教累官翰林
侍講學士辭官還錢唐盧亘作詩十首送之其一
云北門古深嚴論思寄籌度自非鴻才士訓誥何
由作夫君出巴蜀文采動京洛十年掌絲綸擢藻
揚景鑠荆璞抱瑾瑜龍淵淬鋒鏑肯獻上林賦寧

居天祿閣卽今觀浙江眷戀晞金雀黃圖鬱紫氣
絳節生碧落依然難爲情清霜養飛藿其二春秋
嚴筆削凜若執玄鉞君獨抱遺經結髮飽剗劘
剖是非心微探義理窟下視群兒愚爭端王正月
竭來奮直筆浩然心思竭王功與帝德昭昭日月
揭胡爲厭詞林南欲觀溟渤榮華若浮烟汗簡青
不滅其三詞林富聲華幾人得精悍悠悠三百年
篇翰孰承續夫君清廟器裸薦盛圭瓚五就惜繁
纓九旂載雲罕依依風向翔忽忽月新滿冷然時
雨情短章不可斷其四風雨妬芳華稂莠深嘉穀

天地豈不仁盛德稟命獨明廷萃群英四門延穆
穆旣卜渭水釣又起傅岩築聲華何岌業衆輻輳
一轂鑿坡儼清韻碩人歌在軸願言往從之星駕
命宜夙豈知彼玄鳥戢翼辭雲屋幸無素絲悲庶
免窮途哭其五離離天星高皓皓雲月光候鴈過
楚澤蟋蟀鳴中堂天時諒難測徒然多感傷念子
去意遠沉憂結衷腸憶昔初奉歡露白春蘭芳清
尊罷新製妙趣深濠梁飛景急西匿川流浩蕩蕩
玄髮淒歲晚木脫天雨霜蔓草豈容惜松栢在高
岡其六翰林子元子武庫森戈矛英聲邁千古逸

韻橫九州與君契金蘭投分何綢繆清和謝夷惠
典刑追韓歐坐令人文煥介塞昭王猷念君獨遠
邁寥落行人愁木瘦楚山曉風靜寒江流何當駕
飛車却憶崑崙丘塵埃滿腥腐朝暮同蜉蝣其七
暘谷上寒日影射扶桑枝瞬息及中天流光迅難
持人生百年內昂昂何所施孤鴻東南征浮雲西
北馳可憐萬感身會合須臾期安得弄明月皎皎
遠憂疑折花芙蓉浦蕩槩江潢涯優游以卒歲身
名良不隳其八游雲蒼鱗穹閭闔不可叫徒令虎
豹關日月近輝耀濛濛八表塵隱隱萬彙竅泯然

一歸途伊誰執其要栖栖聖者徒禮樂懷幻眇閉
門恐朝飢風雨深蓬蓼今年江海去光景短螢爝
禾黍滿故墟閭巷餘返照揮絃送飛鴻古今入長
嘯其九昔我適吳會日夕承歡顏高堂樂起舞綵
服何媿爛東海洶波濤西湖翠烟鬢北歸餘十年
謬蹟通朝班家禍一朝集音容何可攀悲號蒼穹
迴往事思日艱命窮時亦迫志弱體自孱安得騰
化術從君超人寰執手不忍訣臨風涕空潛其十
我思君勿思君歸我當憶十年膠在漆一旦各異
域吳江激微波震澤起溟色鷓鴣隔天地鴈鶩雜

南北念我平生友愴恨摧胸臆獨看燕山雲歲暮
日初昃永言長風翔情寄南風翼

虞伯生寄浙江提舉鄧善之詩山雨不來喧靜夜江
雲猶爲護晴朝一群青雀墻花老幾箇黃鸝苑樹
遙何有深心期管樂獨無高步接松喬未能逕去
成飄忽且可相從慰寂寥戴表元送砥平石歸天
竺兼柬鄧善之詩聞說西湖也自憐君行况是早
春天六橋水暖初楊柳三竺山深未杜鵑舊壁苔
生尋舊刻新岩茶熟試新泉城中諸友須相覓西
蜀遺儒草太玄

陳衆仲旅莆田人元統初爲江浙儒學副提舉薩天錫贈詩云江南少識陳衆仲闕下才名北斗齊直閣每從花底見揮毫曾向御前題觀魚小海鳳新浴立馬上林鶯亂啼今日西湖堤上路獨騎欵段踏春泥衆仲在任雅好湖山意有所屬便乘輿獨往流連竟夕得佳句則欣躍而歸後爲應奉翰林有元夕懷錢唐詩云武帝親祠太乙神流光洵旭動星辰竹宮典禮猶存漢軹道山河已易秦香逕至今啼木客露盤無復泣金人紅燈幾點東風裏猶是元宵一度春

虞伯生集臨川人少不偶浪遊錢唐一日偕楊仲弘范德機訪微煉師於湖西求召僊鬼練師置箕懸筆書符作法有頃箕動筆運書曰某當境神也練師叱曰吾不召汝復書曰欲乞虞公撰一保文申達上帝以求陞耳衆勸伯生許之翌日文成焚之湖濱逾旬再詣練師禱召神復降曰某已獲授城隍謹候謁謝公必貴顯幸毋自忽既而伯生由校官至奎章閣侍書學士封仁壽郡公始信神言之不妄也

伯生嘗與歐陽原功陳衆仲歌宋高宗所改于國寶

沁園春詞尋腔再度心曠神怡遂援筆書之復作
一絕繼其後云重扶殘醉西湖上不見春風見畫
船頭白故人無在者斷橋楊柳舞青烟又與張伯
雨善寓開元宮盤桓累月題其來鶴亭云群真終
夜降華陽曾聽僊音近玉床語罷是誰留別鶴待
君寥廓共馳翔又云亭前春雨長蒼苔海鶴長鳴
一日來從此琴心三疊裏月明時見影徘徊
楊仲弘載其先浦城人後家錢唐與虞伯生揭曼碩
范德機齊名時稱虞楊范揭云洪武初祀於杭學
貢鄉賢祠仲弘詩以宗陽宮玩月為絕倡然他作如

風雨五更鷄亂叫江湖千里鴈相呼挾書萬里朝
明王仗劍三年別故鄉。應聞夜雨消銀燭。城上春
雲壓綵旗。空桑說法黃龍聽。貝葉翻經白馬馱。沉
雄典實行輩推之。又湖上書所見詩采蓮女郎蓮
花腮藕絲衣裳難剪裁。瞥然一見唱歌去。荷葉滿
湖風雨來。

黃潛贈仲弘詩別離驚如雨蹉跎媿後塵。祇今才有
數多爾術能神王。唾春風濕烟霄碧樹新。謬慚推
吏事。吾敢望平津。杜清碧寄仲弘詩老來自愛黃
叔度。少日真期魯仲連。高臥獨無田二頃。曳裾誰

有客三千滄波渺渺浮鷗鳥白日翩翩換歲年却
憶江東楊少尹劇談終夜不成眠

趙子昂孟頫宋秦王德芳之後也居湖州仕元爲浙
江儒學提舉翰林院學士世宗嘗問葉李畱夢炎
優劣子昂對曰夢炎臣之父執有大臣器帝曰汝
以夢炎賢於李耶夢炎在宋爲狀元位至丞相當
賈似道誤國罔上夢炎依阿取容李布衣乃伏闕
上書是賢於夢炎也汝以夢炎父友不敢斥言其
非可賦詩譏之子昂所賦詩有往事已非那可說
且將忠直報皇元之語議者謂子昂適所以自譏

也其西湖絕句詩云春風柳絮不能飛雨足蒲芽
綠更肥正恐前呵驚白鷺獨騎欵段遶湖歸流連
光景異於黍離之感矣

鮮于伯機樞漁陽郡人爲浙江行省都事因居杭州
風流文雅與吳興趙子昂相伯仲遷太常簿子昂
嘗貌其神虞伯生贊之曰歛風沙表劍之豪爲湖
山圖史之樂翰墨軼米薛而有餘風流擬晉宋而
無忤是以吳興公運畫沙之錐刻希世之玉使千
載之下眼識二妙于遐邇伯機有鶴死非命瘞之
西湖士夫多有詩悼之梁曾詩云翠栢屏前竹闌

曲幾見毳毼雪衣舞。平生風雲萬里心。零落湖山一丘土。世間萬事不可虞。奇禍何由也。到渠不見嵇康遭殺戮。令人空嘆養生書。張伯雨詩。羽衣凍損雪爛爛。碧落遊魂杳不還。和靖船歸籠尚閉。浮丘經在壽能慳。長身幣褰玄黃內。舊蹟苔封紫翠間。擬撰瘞銘修故事。寄書先寄九華山。

伯機嘗蓄一蠻獅。水滴瑩如碧玉。鬚髮眉眼膚理衣。捐種種精緻。蠻腦為竅。置吸子乃漢物也。把玩未嘗釋手。一日於斷橋水閣倚闌。偶墮吸子湖中。百計求之不得。悒快慨嘆。形神凋枯。既他往。踰三年復來。斷橋俯瞰湖波。適霜降水落泥漬。星朗曩時。吸子儼然可掬。便解衣泅取。如獲至寶。易號曰神人獅子。一時能詩者歌詠其事。

張仲舉翥其先。晉寧人。父為杭州鈔庫副使。因家焉。翥少時豪放不羈。好蹴鞠。喜音樂。父憂之一旦。翻然易業。閉戶讀書。從仇仁近遠。以詩文名海內。累官至翰林學士承旨。所著有蛻庵集。東西馬塍春行。東平湜伯客詩。清明時節每多陰。楊柳人家花滿林。潑火乍收連日雨。賞春長負百年心。鳧翁一塘蒲暖。雉子斑斑隴麥深。為報能詩平處士。剩

携芳酒共幽尋。天竺訪項可立不遇詩。葛洪川畔
千年寺路遶長松。一澗分潭影青移行處岫嵐光
白散壘中雲猿公吟樹應思侶鹿女啣花不亂群
常羨山僧專勝槩水聲林下百無聞清明雨晴遊
包山龍華寺過慈雲嶺詩當年王輦此經行古寺
猶題扈從名龍鳳識空山氣歇馬羊刼換海波平
野桃着雨春紅落嶺路霾雲濕翠生日暮人歸烟
樹黑飢鼯啼雨上官城春日泛湖詩春來渾不到
湖邊偶逐東風上畫船花氣暖熏黃鳥岬水光晴
展白鷗天綠樽興劇頻呼酒銀管聲高正鞞絃我

比放翁應更放看花不獨海棠癩招韓伯清泛湖
詩南園携手賞芳紅喚取能歌盛小叢傳與春風
畱杏萼明朝開向曲聲中段橋春水綠初柔更有
群鳧來上遊好借鴟夷盛酒去玉簫吹上畫船頭
自悼詩十二樓空月自明一圓一闕總關情每從
畫裏瞻瓊在復向詩中記受生魂不歸來歌楚些
夢還驚覺厭秋聲遙知別鶴離鸞思只在芙蓉海
上城夢中常苦不分明天上人間各有情桃葉柳
枝無限思靈芝瑞露可憐生蕙蘭謾織迴文錦鸚
鵡猶傳響板聲欲得近音何處問風烟遮斷武林

城

張仲舉至正初爲集慶路學訓導御史下學點視廩膳隣齋出對云豸冠點饌是日適用驢肉仲舉戲續云驢肉作羹蓋御史河南人也聞之大怒欲逮捕之乘夜逃揚州時揚方全盛衆聞其名爭延致之仲舉肢體昂藏行則偏竦一肩韓介玉爲詩嘲之云垂柳陰陰翠拂簷倚闌紅袖玉纖纖先生掉臂長街上十里朱樓盡下簾一座大笑時有相士在座或曰仲舉病鶴形也相士曰不然此雨淋鶴形也雨霽則冲霄矣後入大都致位通顯仲舉長

於詩其近體長短句尤工文不如詩而每以文自負常語人曰吾於文已化矣蓋未嘗構思也他日翰林學士沙刺班示以所爲文請易置數字苦思者移時終不就沙刺班曰先生於文已化矣何思之苦也仲舉大笑蓋仲舉善謔引笑故戲之如此楊廉夫維禎初居吳山鐵冶嶺故號鐵厓旣得鐵笛更號鐵笛雅好聲妓名徹都下葉居仲寄之詩云聞道西湖載酒還飛瓊弱翠擁歸鞍可無私夢登金馬剩有春聲到玉鑾異國頓消鄉井念小堂新作畫圖看野人未納彭宣履獨向清溪把釣竿晚

居淞江有四妾竹枝柳枝桃花杏花皆喜歌舞有
嘲之者云竹枝柳枝桃花杏花吹彈歌舞撥琵琶可
憐一箇楊夫子化作江南散樂家
楊廉夫湖上嬉春體五首其一今朝立春好天氣况
是太平朝野時走向南隣覓酒伴還從西墅買花
枝陶令久辭彭澤縣山公只愛習家池宜春帖子
題贈爾日日春遊日日宜其二西子湖頭春色濃
望湖樓下水連空柳條千樹僧眼碧桃花一枝人
面紅天氣渾如曲江節野客却似杜陵翁得錢沽
酒勿復較如此好懷誰與同其三何處被春惱不

徹好春最好是湖邊不須東家借騎馬自可西津
買蹋船鷺子遶林紅葉亂兒雛衝浪碧花園段家
橋頭猩色酒重點春衣沽十千其四入山十里清
涼國三百樓臺迤邐開岳王墳前吊南渡隱君寺
裏話西來接果黃猿呼一箇探花白鹿走千回風
流文采湖山主蘇白應須屬有才其五長城小姬
殊可憐紅絲新上琵琶絃可人坐上三珠樹美酒
沙頭雙玉船小洞桃花落香雪大堤楊柳掃晴烟
明朝紗帽青藜杖更訪東林十八僊秋日班恕齋
招飲湖上詩七月六日流火驕故人重有濠梁招

洗車快借雙星雨打鼓如迎八月潮下馬題詩岳
王寺解貂沾酒段家橋西湖顏面晚更好水晶宮
中吹玉簫

廉夫嘗訪瞿士衡以鞋盃行酒命其姪孫宗吉誄之
宗吉作沁園春以呈廉夫大喜即命侍妓歌以侑
觴詞云一掬嬌春弓樣新裁蓮步未移笑書生量
窄愛渠儘小主人情重酌我休遲醞釀朝雲斟量
暮雨能使麴生風味音何須去向花塵畱蹟月地
偷期風流到處偏宜便豪吸雄吞不用辭任浚波
南浦惟誇羅襪賞花上苑祇勸金卮羅幙高擎銀

瓶低注絕勝翠裙深掩時華筵散柰此心先醉此
恨誰知

廉夫西湖竹枝詞蘇小門前花滿株蘇公隄上女當
壚南官北使須到此江南西湖天下無鹿頭湖船
唱赧郎船頭不宿野鴛鴦爲郎歌舞爲郎死不惜
真珠成斗量家住西湖新婦磯勸郎不唱縷金衣
琵琶元是韓朋木彈出鴛鴦一處飛湖口樓船湖
日陰湖中斷橋湖水深樓船無柁是郎意斷橋有
柱是儂心病春日日可如何起向西牕理琵琶見
說枯槽能卜命柳洲街口問來婆小小渡船如缺

瓜船中少婦竹枝歌歌聲唱入箜篌調不遣狂夫
橫渡河勸郎莫上南高峰勸儂莫上北高峰南高
峰雲北峰雨雲雨相催愁殺儂石新婦下水連空
飛來峰前山萬重不辭妾作望夫石望郎或似飛
來峰望郎一朝又一朝信郎信似浙江潮浙江潮
信有時失臂上守宮無日消

楊仲弘和詞西子湖邊楊柳花隨風飄泊到天涯青
春遇着歸來燕啣入當年王謝家一種腰肢分外
妍雙眉畫作月娟娟春風吹破襄王夢行雨行雲
若箇邊宋誠夫和詞舊時家住黑橋街二十餘年

不往來憑仗使君一問訊楊梅銀杏幾回開四天
錫和詞湖上美人彈玉箏小鶯飛度綠鸞橋沈郎
雖病多情在倦倚屏山不厭聽鄭嗣德和詞岳王
墳西是妾家望郎不見見棲鷗孤山若有奢華日
不種梅花種杏花張伯雨和詞光堯內禪罷言兵
幾翻御舟湖上行東京隣舍宋大嫂就船猶得進
負羨貢泰父和詞葛嶺東家是相門當年甲第入
青雲樓船車入裏湖去可曾望見岳王墳宇文子
貞和詞蘇小門前騎馬過相逢白髮老宮娥自言
記得前朝事只說當年賈八哥賈治安和詞郎身

輕似江上蓬昨日南風今北風妾身重似七寶塔
南高峰對北高峰鄭慶父和詞北高峰頭儂墜夫
墜見西子下姑蘇脂塘水腥吳作沼莫將西子比
西湖黃子久和詞水僊祠前湖水深岳王墳上有
猿吟湖船女子唱歌去月落滄波無處尋唐子華
和詞門前楊柳亂吹花第一橋頭第一家馬上郎
君休挾彈柳枝深處有慈鴉陳子平和詞樓下攤
錢還上樓花前夜醉曉扶頭不知命犯何星宿一日
猖狂百日愁楊謹思和詞大船撻鼓銀酒缸小船
吹笛紅繡牕鴛鴦觸櫂忽驚散荷花深處又成雙

燕子來春鴈來秋曾見錢王衣錦游英雄謾說八
百里只管東西十四州獅子峰頭插將旗鳳凰山
下草離離三宮去後宮門閉恰似錢王納土時朱
仲文和詞南北高峰作鏡臺十里湖光如鏡開行
人有心都照見勸郎肝膽莫相猜歐陽彥珍和詞
第一橋邊第一家瓜皮船予送琵琶妾身自是良
家女不是當年蘇小家倪元鎮和詞愁水愁風人
不歸昨夜水沒釣魚磯踏盡蓮根終無藕着多柳
絮不成衣桐樹原栽金井西月明照見影離離不
比蘇公堤畔柳烏鴉飛過鵝鵝棲高敬臣和詞第

四橋頭第一灣看魚直上王泉山大魚已逐龍飛
去畱得當時舊賜環于彥成和詞楊柳樹頭雙鶻
鵠雨來逐婦晴來呼鴛鴦到死不相背雙飛日日
在西湖丁復和詞上塘楊柳下塘陰阿儂愛人不
愛金塘水西來東入海水深不似阿儂深錢思復
和詞阿姊住近段家橋山妬娥眉柳妬腰東山井
頭黑雲起早回家去怕風潮郊九戚和詞妾家西
湖住橫塘門前楊柳萬條長憑郎醉後莫折斷畱
待重來繫馬韁風篁嶺頭西日暉青龍港口新月
微放船過去還早在待取一道夜歌歸馮士卿和

詞與郎情重爲郎容南北相看只兩峰請看雙投
橋下水新開兩朵玉芙蓉顧進道和詞楊白花開
風滿天花開成絮不成綿不如落向西湖水化作
浮萍箇箇圓郎子別時秋月明說道歸時春水生
曉起門前聽過馬馬嘶都是别人行馬本道和詞
吳姬軋軋小車紅爭來陌上看春風不敢高聲唱
歌去恐驚丞相在船中百花樓頭聞馬嘶郎從花
裏闖金鷄朝朝捲起朱簾罨不是郎歸不下梯宋
無逸和詞十三女郎不出門父娘墓在葛山根同
携女伴踏青去不上道傍蘇小墳韋德圭和詞湖

中艇子風徐徐秋水蕩漾金芙蓉釣魚不是貪雙
鯉爲恐腹中藏素書張翔南和詞南高北高峰頂
齊錢塘江水隔湖西不得潮頭到湖口郎船今夜
泊西溪張希顏和詞孤山脚下路三义孤山墓上
好梅花不似馬塍桃李樹隨春供送到人家朱伯
常和詞小姑疑郎去不歸爲郎打瓦復鑽龜青山
尚有飛來日不信人無相見時完蘭石和詞花滿
蘇堤酒滿壺畫船日日醉西湖阿儂最苦兩離別
不唱黃鶯唱鷓鴣堤邊三月柳陰陰湖上春光似
海深遊人來往多如蟻半是南音半北音徐廷徽
和詞西湖春草碧蕙綿上有青蚨母子全夜擣守
宮和血色盡將塗上五銖錢盡說西湖好莫愁不
知天上有牽牛躡躡拚萬斛胭脂水瀉向銀河一色
秋沈自誠和詞儂住西湖日日愁郎船只在浙江
頭憑誰移得吳出去湖水江波一處流

西湖竹枝詞楊鐵崖倡之和之者數百家大率詠湖
山之勝人物之美而情寓于中比比一律惟李介
石守道詞云春暉堂上挽郎衣別郎問郎何日歸
黃金臺高倘回首南高峰頂白雲飛吳復見心詞
云官河遶湖湖遶城河水不如湖水清不用千金

酬一笑郎恩才重妾身輕用意稍別

元時錢唐士女曹妙清字比玉號雪齋張妙淨字惠蓮號自然道人皆工詩章曹又善鼓琴行草皆有法度事母孝謹三十不嫁而風操可尚張曉音律情逸而才飄晚居姑蘇之春夢樓皆一時之淑媛也與楊廉夫爲文字友曹嘗和其竹枝詞云美人絕似董嬌嬈家住南山第一橋不肯隨人過湖去月明夜夜自吹簫張詞云憶把明珠買妾時妾起梳頭郎畫眉郎今何處妾獨在怕見花間雙蝶飛觀此二人之風致可想矣廉夫又嘗答妙清絕句

云紅牙管箏紫狸毫雪水初融玉帶袍寫得薛濤萱草帖西湖紙價頗能高玉帶袍者曹氏名硯其云萱草帖者狀其孝也

廉夫嘗以竹枝詞索和于崑山郭羲仲羲仲以吳中柳枝答之因賦詩云吳中柳枝傷春瘦湖中竹枝湘水秋說與錢唐蘇小小柳枝愁是竹枝愁

張光弼是廬陵人至正時爲行省左右司員外卜私宅於壽安坊今之花市是也天台徐大章爲之記曰杭郡民廬比輳如櫛而壽安坊當闌闌四達之衝又最囂處也浙省左司員外郎張君光弼之居

在焉屋數楹甚湫隘門垣外囂塵闐如也或曰小人射利惟贏之爲務乃不惡囂耳員外君日乘高車從丞相論決政事降登乎華堂粉署之間今卜私第不於爽塏是擇其何故哉君漠然不以爲意方自署其楹間曰安居且謂一夔曰傳稱晏子之居近市雖湫隘弗易也吾居甚類之願自附焉子幸爲我記之吾於是知君之所以市居者矣夫踐歷華要宅高曠而處深靚以適其身固所宜也然地位峻絕不與人事接則耳目不能無蔽是故晏子之居市也物之貴賤無不察而知之方齊景公

繁於刑以躡貴屨賤而景公省於刑今君之居壽安也大官貴人布衣韋帶之士由茲坊而東西者必叩門上謁君則攝衣出迎引賓上座與肆議論下至閭閻之老工商技藝之流或有陳說亦必曲爲之盡天下之事當無有不悉施諸有政將不止於一事之諷而已晏子相齊三君食不重肉妾不衣帛名顯諸侯數百載之下太史公聞其風采猶欲爲之執鞭獨念當是時公弃其民而政在陳氏晏子於區區貴賤之事則務陳之而於國之大計則有未嘗數數然者他日乃與隣國之大夫加竊

嘆焉何也張君剛簡亮達故左丞楊公提兵鎮江
浙時用材畧叅謀其軍府事聲壘赫然旣而退處
西湖之上龕衣糲飯看書賦詩以自佚其有用之
身較其風裁不知自視晏子何如也乃今江浙之
地未全歸於版圖丞相周便宜命表授君爲從事
廓清之畧克復之勲亦惟一二左右是賴無或如
晏子之舉其細而遺其大也光弼罷官自號一笑
居士又號可閒老人其時居室已弊友人凌彥冲
爲疏募緣以輯之疏云自黎寄玉川子首稱洛城
破屋之數間東坡題絲竹軒終比揚州纏腰之十

萬一咲居士詩名優於張精生計劣於陶潛囊無
一錢之畱家徒四壁之立若非慷慨而多助安得
輪奐之一新即欲取杜工部草堂貲何時可辦倘
葺得楊關西槐市塾今歲無憂苟物物之可與則
處處之咸宜但不至於虛拘便可謂之實惠此崢
嶸事在特達心疏傳交遊皆助之其居始就當時
傳爲盛事

光弼嘗作歌風臺詩云世間快意寧有此亭長還鄉
作天子沛公不樂復何爲諸母父兄知舊事酒酣
起舞和兒歌眼中盡是漢山河韓彭誅夷黥布戮

且喜壯士今無多。縱酒極歡留十日。慷慨傷懷淚
沾臆。萬乘旌旗不自慕。魂魄猶在故鄉憶。由來樂
極易。生哀泗水東。流不再回萬歲千秋誰不念。古
之帝王安在哉。莓苔石刻今如許。幾度西風灞陵
雨。漢家社稷四百年。荒臺猶是開基處。一日乘酣
朗唱於瞿宗吉。以界紙擊卓。鏗然若金石也。笑曰
吾死埋骨西湖。題曰詩人張員外墓足矣。

張光弼西湖十律詩其一。樓外湖光白渺茫。樓中少
婦試新粧。行年將近半百歲。大醉豈能千萬場。翠
織舞裙飛蝶。白描歌扇睡鴛鴦。垂楊滿院無人

到芍藥花開日。正長其二。且觀神女爲行雨。莫問
郎官應列星。芳草到門無俗駕。好山終日在湖亭。
白鷗共戲荷葉小。黃鳥亂啼楊柳青。肯信曲闌干
外立。晚涼吹得酒都醒。其三。畫船湖上載春行。日
日花香扇底生。蘇小樓前看洗馬。水僊祠下坐聞
鶯。碧桃紅杏渾相識。紫燕黃蜂俱有情。惆悵繁華
成逝水。盡歸江海作潮聲。其四。倩得名姬唱慢歌。
梁塵直欲下輕波。西風八月芰荷老。落日蒲湖鳧
鴈多。到手莫辭雙盞飲。轉頭又是一年過。光陰只
在槐柯上。奈此浮生樂事何。其五。百鎰黃金一咲

輕少年買得是狂名。樽中酒釀湖波綠。席上人傳
鳳語清。蛺蝶畫羅宮樣扇。珊瑚小柱教坊箏。南朝
舊俗憐輕薄。每到花時別有情。其六湖上新泥雪
漸融。門前溝水暗相通。襦欺萱草輕盈綠。粉學櫻
桃淺淡紅。暮雨欲來銀燭上。春寒猶在酒尊空。青
綾被薄不成夢。又是一番花信風。其七樓前芳樹
碧盈盈。付與幽禽自在鳴。堤上馬駝紅粉過湖中。
人載酒船行日長。鷺子語偏好。風暖楊花體更輕。
何恨才情被花惱。獨教書記得狂名。其八此日誰
人肯在家。傾城滿意事繁華。時非上巳不爲節。春

到牡丹纔是花。霧髻雲鬟湖上女。畫輪繡轂道傍
車。兒童盡唱銅鞮曲。未覺人間日易斜。其九外湖
裏湖花正開。風情滿意看花來。白銀大瓮貯名酒。
翠羽小姬歌落梅。身外功名真上苴。古來賢聖盡
塵埃。韶光如此不一醉。百歲好懷能幾回。其十王
局當年爲寫真。西施宜笑復宜顰。朝雲暮雨空前
夢。桃葉柳枝如故人。露電光陰千仞外。魚龍波浪
一番新。傷心最是逋仙宅。半畝殘梅共晚春。
張光弼初居揚完者左丞幕下。頗有功業之思。故其
詩云。兔胄日趨丞相府。解鞍夜宿五侯家。王盃行

西海志卷十一
三十一
酒聽春雨銀燭照天生晚霞世亂且從軍旅事功
成須插御筵花漢王未可輕韓信尚要生擒李左
卓又云西樓柳風吹晚香石榴裙映黃金觴纖歌
不斷白日速微雨欲度行雲涼吟看席上賦鸚鵡
醉聽門前嘶驢驢早晚平吳王事畢羽書飛捷入
朝堂及張氏擅權光弼憤焉遂不事事以詩酒自
娛其詩云一陣東風一陣寒芭蕉長過石闌干只
消幾度曹騰醉看得春風到牡丹蓋言時事也
元時法禁寬假士夫得以沉昵盤遊故其詩多脂粉
綺羅之態楊廉夫詩云二月皇都花滿城美人多

病苦多情一雙孔雀行瑤圃十二飛鴻上錦箏酒
掬真珠傳玉掌羨分甘露倒銀罌不堪容易少年
老爭遣狂夫作後生又云天街如水夜初涼照室
銅盤壁月光別院三千紅芍藥洞房七十紫鴛鴦
綉靴蹴鞠勾驪樣羅帕垂鸞女直妝願汝康強好
眠食百年歡樂未渠央又云公子銀瓶分汗酒佳
人金勝剪春花又云金埒近收青海駿錦籠初教
雪衣娘又云小洞桃花落香雪大堤楊柳舞晴烟
又如張光弼詩云玉瓶注酒雙鬟絲銀甲調箏十
指寒又云新妝滿面猶看鏡殘夢關心懶下樓一

時富貴繁華可想見矣

薩都刺天錫風流俊逸不亞鐵厓嘗有西湖絕句六
首湧金門外上湖船。狂客風流憶往年。十八女兒
搖艇子。隔船笑擲買花錢。少年豪飲醉忘歸。不覺
湖船旋旋移。水面夜涼銀燭小。越娘低唱月生眉。
紫驪驕踏落花泥。二月江城雨過時。拂曉市河春
水滿。小船多半載吳姬。惜春曾向湖船宿。酒渴吳
姬夜破橙。驀聽郎君呼小字。轉頭含笑背銀燈。待
得郎君半醉時。笑將紈扇索題詩。小紅簾捲春波
綠。渡水楊花落硯池。垂柳陰陰蘇小家。滿湖飛燕
趁楊花。繁華一去風流減。今日橫堤幾樹鴉。又次
韻王侍郎遊湖詩。綺席新涼舞袖偏。賞心輸與使
君專。螺盃注酒搖紅浪。綵扇題詩染綠烟。一鏡湖
光開曉日。萬家花氣漲晴天。湧金門外春如海。畫
舫笙歌步步僊。

奉化戴帥初表元宋太學生也入元不仕其湖上贈
歌者一絕有故國之思焉詩云牡丹紅紫艷陽天
檀板朱絲錦色箋。頭白江南一尊酒。無人知是李
龜年。又陳剛中湖上感舊詩屬意畧同詩云昔日
朱樓擁翠鈿。女牆猶在草芊芊。東風第六橋邊柳。

不見黃鸝見杜鵑。

黃晉卿潛義烏人。至正初爲浙江儒學提舉。工文章。獎引後進。不喜華冶。有西湖舟中詩云。黃塵烏帽。媿平生。對客猶稱舊姓名。此事正堪三太息。祇今忍負四難并。放舟乍落空濛境。送酒元無窈窕聲。金谷蘭亭差已矣。不妨時暫濯吾纓。又送凌吉叟。杭州教授詩。浙水西。八州維杭。實名都。古來萬人海。逐逐無賢愚。况茲百年後。淳朴古不如。翩翩誰家兒。白馬驕路隅。春風樊樓醉。一咲百斛珠。亦有朱門家。齊謳聞吳歛。綃綃散烟霧。續紛被僮奴。可

憐彼蚩蚩久。爲紅塵驅頽俗。如波濶孰障。群流趨。又如敗屋壁。風雨須人扶。博士非冗官。豈即無良圖。當令歌舞場。化作絃誦區。行矣循所務。辭章信其餘。春風捺別衣。晴沙秀寒蘆。何以贈子行。白雲不可呼。聊持狂者言。用比貂襜褕。

劉師魯汶鄜王琦六世孫也。元時占籍錢唐。以文章淑後進。黃文獻公潛贈之詩云。邂逅神交十載餘。清風落月幾愁予。何言此日同傾蓋。勝讀平生未見書。天上玉堂容可到。山中金匱得長虛。故多餘事宜商畧。可待秋風怨索居。其時有剽聲之渡亦

與齊名洪武初俱祀于鄉賢祠

貢友初者貢師泰尚書族子也宣城人至正間師泰
爲浙江行省叅政遂僑寓錢唐友初自上都還錢
唐也師泰贈之詩云嗣宗諸姪仲容賢客路飄零
雪滿巔曾爲頌椒畱子美却思戲蠟愛僧虔十年
湖海三盃酒百里溪山一釣船何日兵戈得休息
敬亭春雨共歸田友初詩才清麗但織穠之骨其
湖上春歸詩湧金門外柳如金三日不來成綠陰
拆得長條入城去教人知道已春深吳山遊女詩
十八姑兒淺淡粧春衣初試柳芽黃三三五五東
風裏去上吳山答願香獨送戴伯貞還廣西一律
云桂江州水接瀟湘逐客南歸路道長卷裏漫多
新制作篋中猶是舊衣裳逢人盡說官如水老我
相看鬢已霜此去莫交音問斷鴈飛今喜過衡陽
叙事委曲而感慨係之出諸作之上

旅行中挽貢友初詩百年心事復誰知過海人傳俊
逸詩懶聽朝鷄全晚節慣騎官馬說當時文章自
嘆無遺蔭冰玉還看有故枝一代風流俱已矣曉
星殘月不勝悲黃金臺上草芊芊掉臂東風四十
年對客半開青白眼寫懷漫賦短長篇玉堂春夢

烟雲外。茅屋秋風浙水邊。惆悵清魂招不返。空歌
楚些淚潸然。

鄱林南海人。初名觀善。以南昌教授擢吏部驗封主
事。成祖改名林。後坐法謫戍保安。遇赦晚居
杭州。詩文爲一代所推重。嘗於保安畱別。瞿存齋
詩云。兩鬢西風吹斷蓬。杖藜扶病看秋容。菊花渾
似詩人瘦。山色不如歸興濃。紫塞一盃桑落酒。彤
庭五夜未央鐘。燕鴻岐路東西去。此後相思意萬
重。又春夕旅懷云。萬里東風故國情。十年幾度鳳
凰城。衡陽鴈盡春三月。巫峽猿啼夜二更。席上狂

言因酒得鏡中。華髮爲愁生。靜觀富貴如雲轉。拂
袖歸來任俗尋。五月十三日入杭詩。遊遍江湖未
到杭。不知人世有天堂。六橋花柳丹青興。九陌樓
臺錦繡粧。北米南柴誇物產。朝歌暮宴樂時康。逐
臣何幸蒙寬卹。到此渾忘是異鄉。僦屋里仁坊。詩
謫居何處好逍遙。仁里深深遠市囂。夜色滿簾湖
上月。秋聲到枕海門潮。上林鷓侶空相憶。南浦鷗
羣苦見招。覆載無私天地闊。暫容閒散在漁樵。遊
南屏不偶詩。蘭佩荷裳竹籜冠。清癯無奈朔風寒。
飯堂鐘罷來何晚。雪夜舟回興已闌。俗狀塵容勞

意馬。天光雲影動情瀾。石頭有路終須到。共聽吾師說六觀。

鍾狂客禧南海人。甚有詩名成化中。淮南督理漕運。總兵官平江伯陳公銳。取歸幕下。過杭友人招遊西湖。寄之詩。鍾和曰。湖光山色最宜秋。君不來招也。去遊已辨蜀川千丈錦。爲誰今日盡纒頭。萬頃西湖水。貼天芙蓉楊柳亂。秋烟湖邊爲問山多少。每箇峰頭住一年。信乎狂客也。

揚溫甫孟瑛。四川酆都人。弘治十六年。知杭州府時。西湖民間規占者十九。溫甫建議于御史車梁僉

事高江銳。情濬復而浮言胥動。溫甫廼爲文諭民曰。先賢爲民深弘利本。特濬西湖之浸。用溉上唐之田。多歷歲年。漸成湮廢。比者鄉賢侍郎何公生長是邦。習知成事。著爲三說。辯析百端。伏蒙當道俯念地方。力圖濬復。予又職司水土。敢憚劬勞。重惟湖上之園池。盡是豪家之封殖。一旦開毀。百口怨咨。民旣傷心。我亦動念。但今民產本昔官湖。民侵于官。以肥家。固已干紀。官取于民。以復舊。豈謂厲民又惟上唐。萬頃之田。宿仰西湖千畝之水。水盡湮塞。田漸荒蕪。利歸于數十家。害貽于千萬井。

况古人留利物之澤豈今日啓生事之端宰相導以平心勿相搖于異說有以占產自首者原情免罪奏請除糧查得銅錢局及崇興崇善禪智等廢寺田以畝計者數千地以頃計者盈百動連阡陌間附城闈膏沃可耕標換如數况在昔湖田皆捏報之稅于今清籍有新增之糧新增者至九百而有奇捏報者幾八百而不足稍加查派不費更張決不累民無患虧賦予性知執法心在利民非勢力之可移惟鬼神之是質凡我父老率爾鄉閭蚤為遷移無肆頑梗觀于斯文公之任怨亦劇矣廼以正德二年二月二日興工六月十日歇役八月十九日續工九月十二日訖事日用夫八千人銀二萬八千七百餘兩

聶大年號東軒臨川人舉明經為仁和縣學訓導陞教諭襟懷坦率有清才文章流麗詩復俊逸而灑翰得李北海遺意誘育士子務盡恩義薦入翰林修遼金宋三史卒常作西湖十景詩蘇堤春曉云樹烟花霧遶堤沙樓閣朦朧一半遮三竺鐘聲催落月六橋柳色帶棲鴉綠牕睡覺聞啼鳥綺閣粧殘喚賣花遙望酒旗何處是炊烟起處有人家柳

浪聞鶯云雨後翻空一派青。蘇公堤畔繫漁舸。只
藏鶯鳥春聲滑。不起魚龍夜氣腥。游子愛聞停玉
勒。佳人倦聽倚銀屏。待看三月歌喉老。又見浮波
絮作萍。花港觀魚云。湖上春來水拍空。桃花浪暖
柳陰濃。微翻荇帶綠千尺。亂躍萍星翠幾重。洲渚
此時多避鷺。風雲何日去爲龍。箇中縱有濠梁樂
闊網深罾。不汝容。兩峰插雲云。屹立亭亭入杳冥。
勢雄南北氣憑陵。玉簪拔地三千仞。寶蓋撐空一
七層。天遠不聞風外鏗。夜深遙禮月邊燈。何當一
掃浮雲靜。俯視東溟看日升。三潭印月云。纖雲掃

迹浪花收塔影。亭亭引碧流。半夜水輪初出海。一
湖金水欲鎔秋。龍宮獻壁神光吐。鮫室遺珠瑞氣
浮。浪說影娥池上景。不知此地有僊舟。麴院風荷
云。翠圍紅繞戰縱橫。似看吳宮習女兵。飛雪翻空
雲影亂。遊魚吹浪水紋生。錦裳零落香猶在。銅柱
欹斜露半傾。兩腋新涼驚酒醒。畫船吹送按歌聲。
平湖秋月云。曾向湖堤夜扣舷。夢看波影弄嬋娟。
一塵不動天連水。萬籟無聲客在船。赤壁未醒玄
鶴夢。驪宮偏惱老龍眠。朗吟玉塔微瀾句。長咲凌
空氣浩然。南屏晚鐘云。柳昏花溟暮。雲生隱隱初

傳一兩聲禪榻屢驚僧入定。旅牕偏惱客含情。月
隨逸韻升鰲嶺。風遞遺音過鳳城。催散遊人罷歌
舞。玉壺銀箭夜初更。雷峰夕照云宜雨。宜晴晚更
宜。西湖端可比西施。霞穿樓閣紅光繞。雲捲笙歌
逸韻隨。山紫翠中樵唱遠。樹蒼黃外馬歸遲。何人
解畫瀟湘景。併與漁村作二奇。斷橋殘雪云醉裏
曾登白玉檢。東風吹暖又成泥。玉腰帶。竦垂天闊。
銀色樓臺夾岬迷。九井晴添新水活。兩峰濃壓宿
雲低。衝寒爲訪梅花信。十里銀沙印馬蹄。同陳緝
熙泛湖詩。宿雨初收見兩峰。湖光如練瀉晴空。畫
船載酒來天上。喜鳥銜花度鏡中。檀板歌聲無越
女。翰林詩句有唐風。相逢莫惜留連飲。明日誰人
拾落紅。又西湖詩。西出江城外。烟霞隔世塵。鐘聲
三竺曉。花氣六橋春。鷄犬樵源地。笙歌閨苑賓。時
平得遊賞。忘却宦中身。清明與友登寶峰詩。江心
後浪催前浪。湖上歌聲雜哭聲。今日重來多感慨。
百年能得幾清明。

聶大年詩翰著名一時。而不得預京銜。或曰大年在
錢唐時嘗署樵符。云文章高似翰林院。法度嚴如
按察司。以此見忤達官。晚年被徵修史。至京而卒。

時人比之梅聖俞。宐也。其初度日寫懷詩云。五十年車下坡。又逢初度意如何。牀頭漸覺黃金少。鏡裏還憐白髮多。人笑能詩貧杜甫。天容善飯老廉頗。相知惟有梅花在。自折南枝伴醉歌。又次答祖芳云。幾年遠別喜重過。白首相看柰老何。富貴不來真有命。齒牙雖脫尚能歌。頻沾市醜消殘燭。遙指天星出絳河。惟有與君情莫逆。他人平地起風波。嗚呼四海交游豈止一祖芳而已哉。蓋以寡合有激而云然耳。劉邦彥哭大年詩。京邸淒涼寄病身。俄聞鵬鳥上承塵。共嗟賈誼年華促。自顧虞翻骨相屯。千里音書成永訣。九重泉路隔交親。傷心今夜東軒月。空照先生漉酒巾。

聶大年之掌教仁和也。歷官九年。不以家眷自隨。嘗有答內子寄衣詩云。山妻憐我舊蘇秦。寄得衣來穩稱身。落日故園歌白苧。秋風京洛染緇塵。同心意重思偕老。結髮情深不厭貧。萬里莫如歸去好。幾多衣錦夜行人。又有諭兒輩詩云。四兒五歲六兒三。莫與肥甘習口甜。清白傳家無我愧。詩書世業要人擔。三澆淡飯何須酒。一劬黃齏略用鹽。聞說有人曾餓死。算來原不爲官廉。觀此高風可想。

矣

聶大年在仁和時山西湖廣廣東廣西咸以秋闈校士致聘大年辭不往寄之詩云名藩校藝遣徵書使者頻煩走傳車老大難行太行路平生厭食武昌炙五羊城古僊遊遠八桂雲寒樹影疎寄語天涯好知己莫因詞賦薦相如

聶大年嘗賦卜算子二首蓋自况也詞云楊柳小蠻腰慣逐東風舞學得琵琶出教坊不是商人嫌忙整玉搔頭春筓織織露老却江南杜牧之懶爲秋娘賦粉淚濕鮫綃只怨郎情薄夢到巫山第幾峰

酒醒燈花落數日尚春寒未把羅衣着眉黛含顰爲阿誰但悔從前錯馬浩瀾和云歌得雪兒歌舞得霓裳舞料想前身跨鳳僊合作蕭郎婦顏色雪中梅淚點花梢露雲雨巫山十二峰未數高唐賦花壓鬟雲低風透羅衫薄殘夢瞢騰下翠樓不覺金釵落幾許別離愁獨自思量着欲寄蕭郎一紙書又怕歸鴻錯

孫太初一元號太白山人正德中流寓西湖或曰安化王裔避亂詭姓名修髯哲面丰儀瀟灑望之宛然神僊也詩思清逸有烟霞氣其跨驢遊西山天

竺寺詩秋葉蒲林吹亂紅。秋光半在山寺中。老衲
迎門解幽事。一見呼我長髯公。薰爐相對坐終夕。
松聲泉韻何冲融。獨鶴隔竹向人立。欲鳴未鳴幽
意同。氣酣日落豪興發。詩成三繞青桂叢。造物小
兒玩人世。俯仰何必悲無窮。布袍斗笠自高格。狂
歌醉舞驚山翁。歸來明月散林影。驢背仰笑秋山
空。秋晚晚。鎮海樓詩樓上。輕雲散女隄樓前。狂客
獨支頤。江當夕照半添色。詩與秋山兩鬪奇。木葉
無言時序暮。塵寰多事杖藜知。只應又被漁郎笑。
雨細風斜歸去遲。登吳山絕頂望江潮詩獨倚危

岑岬接羅晚潮初上。練痕齊亂。搗鼉鼓妖蛟舞倒。
捲銀山海日低。弓弩千年人去後。帆檣萬里望中。
迷憑誰喚起。眉山老爲誦錢王廟裏題。

西湖之改名高士湖也。孫太白自序云。正德乙亥孟
春十四日。予與石川子泛舟西湖時。石川子着方
山冠。予戴華陽巾。被高士服。把酒四望。予顧謂石
川子曰。管青蓮居士李白與尚書郎張謂泛沔州
南湖。因改爲郎官湖。今日予與子遊。頗追蹟前事。
西湖因可爲高士湖矣。石川子大笑。酌酒于湖。命
予詩紀之。予時已爛醉。即信口長短。成篇不竄易。

一字云我聞唐家李白一世賢。郎官之湖至今傳。
我今與子繼其蹟。勝事豈許咎人專。方冠野服與
不減。駕船載酒凌蒼烟。千山萬山兩岼如。羣龍蜿
蜒。盡在几席前。青天落盃底。白日行舟邊。龜龜突
兀波面出。大魚小魚爭避船。君把斗酒我歌扣舷。
天風下來。雲葉翩翩。爛醉騎鯨遊崑崙巔。

孫太白之寓西湖也。與閩人鄭繼之善。夫善其夢繼
之詩云。不見平生鄭廣文。風塵側望隔青雲。殊方
物色偏憐客。兩夜燈花頻夢君。隔葉山鳩高自語。
避人江鷺獨爲羣。眼中世事堪惆悵。塞北音書久

未聞。鄭繼之久不過湖上。奉簡詩。恠爾狂吟。不
過湖水濱。寧遭官長罵。莫得野人嗔。雲外烏鵲杖。
水邊白鷺巾。相看只自好。空送月華新。鄭繼之寄
孫太白詩。吳門往日聽談玄。塞鴈江鱗動。隔年聞
爾獨居水西寺。與誰同泛六橋船。魚翻荇帶錦不
亂。鳥下靡蕪青可憐。擬把鄣筒共梅蕊。兼程定得
小春天。又云。爲問山人孫太初。交情歲晚莫教疎。
孤山梅萼春相惱。滿地松苓日自鋤。江夏肯容禰
處士。茂陵初臥馬相如。知君不廢茗溪釣。書帛能
無寄鯉魚。西湖過孫山人舊隱詩。荒迷更踏西湖

路露鳥雲寰空六橋涕淚翻悲竹林宴笛聲月色
傍中宵醉歌亂詫魚龍出此地曾傳麟鳳標今日
孤山最孤寂梅花桂樹更蕭條

西湖遊覽志餘第十一卷終

西湖遊覽志餘第十二卷

才情雅致

錢唐田汝成輯

羅昭諫隱新城人博物能詩唐昭宗時遊京師不遇
歸謁武肅王辟為錢唐令尋掌書記時鏐初授鎮
海軍節度命沈崧草謝表盛稱浙西繁盛成以示
隱隱曰是自買征索也請更之乃極言兵火凋弊
有天寒而麋鹿來遊日暮而牛羸不下之語廷臣
見之曰此羅隱詞也又賀昭宗更名曄表曰左則
姬昌之半字右則虞舜之全文京師稱為諸鎮第

程

程

路露鳥雲寰空六橋涕淚翻悲竹林宴笛聲月色
傍中宵醉歌亂詫負龍出此地曾傳麟鳳標今日
孤山最孤寂梅花桂樹更蕭條

湖遊覽志餘第十一卷終

西湖遊覽志餘第十二卷

才情雅致

錢唐田汝成輯

羅昭諫隱新城人博物能詩唐昭宗時遊京師不遇
歸謁武肅王辟為錢唐令尋掌書記時鏐初授鎮
海軍節度命沈崧草謝表盛稱浙西繁盛成以示
隱隱曰是自賈征索也請更之乃極言兵火凋弊
有天寒而麋鹿來遊日暮而牛羸不下之語廷臣
見之曰此羅隱詞也又賀昭宗更名曄表曰左則
姬昌之半字右則虞舜之全文京師稱為諸鎮第

一云然性傲睨好議評臧否探隱命物往往奇中故至今杭人稱前定不爽者猶云羅隱題破也

潘逍遙閩錢唐人以詩名宋太宗將官之辭不就與王繼恩善繼恩敗捕之遁弗得咸平初京尹收繫之真宗赦其罪以爲滁州叅軍卒於泗上初閩在錢唐與道士馮德之約歸骨於天柱山德之囊其骨歸葬焉閩與王元之孫何柳開魏野最厚暇則放懷湖山隨意吟咏人目爲謫僊云嘗有錢唐晚歸詩一首祖無擇以爲不減劉長卿也詩云久客見華髮孤棹桐廬歸新月無私照落日有餘輝

浦風水急龍山烟火微時聞沙上鴈一一背人飛又有過華山詩云高愛三峰插太虛帶頭吟望倒騎驢旁人大笑從他笑終擬移家向此居好事者畫爲圖魏野贈詩云管賢放志多狂怪若比而今總未如從此華山圖籍上又添潘閩倒騎驢又夏日宿西禪院詩此地絕炎蒸深疑到不能夜涼知有雨院靜似無僧枕潤連雲石牕明照佛燈浮生多賤骨時日恐難勝蘇子瞻深喜之

沈文通邁錢唐人皇祐初舉進士後知杭州踈雋博達明于吏治令行禁止以公錢嫁民間孤女數百

人倡優養良家子者奪歸其父母善遇僚屬皆甘
傾爲之耳日刺閭巷長短嘗禁捕西湖魚鱉故人
居湖上蟹夜入其籬適會客食之且詣府邁迎語
曰昨蟹美乎客驚謝嘗鑿井引湖水以便民至今
稱沈公井其送施密守錢唐詩云塞外風烟河上
塵歸來始覺二毛新承明自厭頻趨直滄海還思
一濯巾幕府旌旗初壓境畫船歌吹便行春湖山
蒲目舊遊在何日從公醉紫萼所著有西溪集
沈詹達遼邁弟也趣操高爽能詩王安石甚重之有
風流謝安石瀟灑陶淵明之稱坐法流池州得九

華秋浦間喜曰使我自擇不過爾耳築室齊山名
曰雲巢所著有雲巢編蘇黃皆與倡和
沈存中括邁從父也舉進士編校昭文書籍定三歲
郊丘之制考渾儀景表五壺浮漏造新曆募天下
上太史占書神宗稱善忤蔡確出知延州募軼羣
之士得徹札超乘者千餘時朝廷出宿衛兵戍鎮
賞賚至再而不及鎮兵括以爲衛兵雖重而無歲
不戰者鎮兵也賞不均且召亂乃藏勅而矯制賜
緡錢以驛聞詔報嘉之括博學善文而喜詆諧劉
貢父嘗詰之值括澡體盆中便慟哭括驚問故貢

父曰虎矣盆盛括括亦大笑所著有長興集筆談
關子淵沼杭州人元祐間爲翰林學士將辭歸隱士
孔夷贈之詩云吳越聲飛二十年緇衣空復歎遺
編紫芝眉宇風塵外太白文章錦繡前可是石渠
方載筆未應水國要歸田他年雪裏相逢處能記
騎驢孟浩然其清標絕俗如此

強幾聖至錢唐吳山望人刻苦攻詩韓魏公甚重之
所著有祠部集其戲贈賈麟自睦來杭將復如蘇
詩春風那解繫狂遊朝醉桐江暮柳洲大手千篇
隨地掃一身四海學雲浮榮名不落閒宵夢退築

聊爲晚歲謀老橘殘鱸猶有興片心欲起洞庭舟
周美成邦彥錢唐人疎雋少檢不爲州里推重而博
涉百家元豐初游京師獻汴都賦神宗奇之累官
徽猷閣待制提舉能自度曲製樂府長短句詞韻
清蔚名其居曰顧曲堂其所製意難忘云衣染鶯
黃菱停歌駐拍勸酒持觴低鬟蟬影動私語口脂
香簷露滴竹風涼拚劇飲淋浪夜漸深籠燈就月
子細端詳知音見說無雙解移宮換羽未怕周郎
長顰知有恨貪耍不成粧些個事惱人腸試說與
何妨又恐伊尋消問息瘦減容光其詞格大率類

此。

美成晚歸錢唐夢中得瑞鶴儂詞一闕云惜郊原帶
郭行路永客去車塵漠漠斜陽映山落斂餘紅猶
戀孤城欄角凌波步弱過短亭何用素約有流鶯
勸我重解繡鞍緩引春酌不記歸時蚤暮上馬誰
扶醒眠未閣鶯颺動暮猶殘醉遶紅藥嘆西園已
是花深無地東風何事又悲任流光過却歸來洞
天自樂未幾方臘亂自桐廬入杭時美成方宴客
倉皇出奔趨于西湖墳菴適際殘冬落日在山忽
逢故人之妾奔逃而來乃與小飲于道旁旗亭聞

鶯聲于木杪少焉分背抵菴尚有餘醺因臥小閣
之上恍如詞中所云逾月入城故居皆遭蹂踐矣
後得請提舉洞霄宮而終老焉

白廷玉珽錢唐人博綜經史所著有湛源集方回劉
辰翁稱其詩逼陶韋書逼顏柳嘗著西湖賦二首
考據精核其湖樓玩雪詩上湖十里捲簾中幻出
瑤華第一宮山勢蹴天銀作浪柳行撲地玉爲虹
渙策鶴氅同爲我爵舌爭羔不負公明日鳳城朝
退蚤一鞭曾約試吟驄湖居雜興詩御舟初出賞
春菲傳是諸王與后妃香霧漸深簾幕暗日斜惟

見淡黃衣脉脉吹香屋角梅。背風移燭小簾開。鳳
城幾日元宵近。一片簫聲水上來。龍舟曉發斷橋
西。別有輕舟兩兩隨。春色可人晴較穩。酒家爭出
柳梢旗。相國平泉水竹居。吳中花石世間無。遊人
馬上休回首。一半春風在裏湖。雨後林塘夏亦秋。
一葫蘆酒在船頭。醉來深入荷花去。臥看青天飛
白鷗。三賢猶得仰高風。冠服雖殊氣味同。後五百
年無繼者。桃花含笑夕陽中。車奩人散水風腥。雨
色涼分柳外晴。回首夕陽都落盡。忽然東向數峰
明。萬樹芙蓉兩葉宮。秋風開遍水邊叢。白墻遮盡

紅墻出。只見紅墻一半紅。酒邊贈朱處士詩。烏葛
唐巾白苧裘。掃庭終夕共淹留。醉中談論心猶壯。
老去歌歡淚亦流。對客呈詩如獻佛。課兒收橘當
封侯。明年好理西風櫂。重約三吳爛熳遊。
葉太白李錢唐人。或曰富陽人。賈似道當國時。行公
田關子兩法。民間苦之。李上書力詆。且獻鈔式。以
代關子。似道怒。黥流嶺南。及似道敗。赦還。而似道
亦有漳州之謫。相值於途。太白贈之詞云。君來路
吾歸路。來來去去。何時住。公田關子竟何如。國事
當時誰與誤。雷州戶。匡州戶。人生會有相逢處。客

中頗恨乏蒸羊聊贈一篇長短句宋亡入元上書
獻鈔式世皇嘉納遂爲至元鈔仕至中書左丞
錢思復惟善錢唐人博學能文章以浙潮賦起名其
首句云維羅刹之巨江今實發源于太末試官嘉
之遂中選蓋其時滿場無知羅刹爲浙江者後作
西湖竹枝詞十首有云阿姊住近段家橋瞿元範
戲之云此段家橋創見却與羅刹江不同也瞿宗
吉嘗盡和之云昨夜相逢第一橋自將羅帶係郎
腰願郎得似長江水日日如期兩度潮又云裏湖
外湖波渺茫兩岼人家多種桑採桑不怕霧露濕

惟願朝朝逢着郎大爲思復獎許張氏據吳遂不
仕退居吳江筒川與楊廉夫倡和有句云笠澤水
寒魚尾赤洞庭霜落樹頭紅又云漢史丁公那及
齒陶詩甲子不書元蓋感時事也

葉居仲廣居仁和人天資超邁才力絕人仕至浙江
儒學提舉築室西泠橋陶情詩酒所著有自得齋
集自題隱居詩瘦木栽冠鶴髦輕十年塵土厭飄
零小山舊隱雲封戶大藥新成月滿庭丹井夜交
龍虎氣碧霄春躡鳳皇翎西風客舍炎歎淨擬讀
琴心內景經

仇仁近遠號山村錢唐人元初爲溧陽州儒學教授
工詩文一時遊其門者若張雨張翥莫維賢皆有
名當時所著山村集洪武初祀於杭學鄉賢祠其
湖上值雨詩波痕新綠草新青有約尋芳苦不晴
莎徑泥深雙燕濕柳橋烟淡一鶯鳴山圍故苑春
常鎖泉落低畦暖未畊十載舊踪時入夢畫船多
處看傾城同段吉甫泛湖詩西湖春碧淨無泥畫
舫朱簾傍岸移寒食清明初過後杏花楊柳乍晴
時從教西日催歌鼓莫放東風轉酒旗只恐明朝
戚雨去暗驚濃綠上高枝同陳彥國泛湖詩斜堤

高柳綠連天且繫閒人書畫船花事已空三月後
湖光還似百年前洛陽園囿惟詩在江左英雄托
酒傳亦欲扣舷歌小海恐驚沙上白鷗眠陪戴祖
禹汎湖分韻得天字詩冉冉夕陽紅隔雨悠悠野
水碧連天山分秋色歸紅葉風約蘋香入畫船鐘
鼓園林已如此衣冠人物故依然當歌對酒腸堪
斷倒着烏巾且醉眠和韻胡希聖湖上詩曾識清
明上巳時懶隨蜂蝶步芳菲梨花半落雨初歇杜
宇不鳴春自歸雙塚年深人祭少孤山日晚客來
稀江南尚有餘寒在莫倚東風褪絮衣連作湖山

予性最喜清
用二字苦不能
得每讀詩中
亦塵紅想其

復志

五日遊沙鷗慣識木蘭舟。清明寒食荒城晚。燕子
梨花細雨愁。賜火恩榮皆舊夢。禁烟風景似初秋。
鳳絲龍竹繁華意。猶為西林落日留。秋日西湖園
亭詩。西湖一曲白泉通。漠漠青山遶梵宮。故國園
林秋色淨。明朝風雨桂花空。銀笙玉笛清歌外。畫
舫朱簾落照中。人物風光兩相稱。兒童遮莫笑山
翁。陸靜復為園詩。連轡行春自作期。尋芳却笑我
來遲。三盃雲液花前酌。一曲瓊簫竹下吹。滄海桑
田非舊日。石泉槐火有新詩。山中道士閒於鶴。門
外紅塵總不知。閒居絕句詩。堦前紫蔓金絲草。籬

角紅垂錦帶花。梓澤平泉易消歇。春畱富貴與詩
家。茶甌紗帽慣迎賓。不是詩人即道人。細雨斜陽
君莫出。綠陰門外有紅塵。

高孟升得賜錢唐人。洪武間以文學薦授臨安學教
諭。陞高州學教授。永樂初召為宗人府經歷。纂修
大典為副摠裁。記聞博洽。詩文純雅。名重一時。所
著有節庵集。嘗作錢唐十景詩。西湖夜月云。共說
西湖天下景。秋來有月更奇哉。寒波拍岸金千頃。
灑氣涵空玉一杯。桂子遠從雲外落。藕花多在露
中開。酒船清夜乘清興。絕勝笙歌日往來。浙江秋

濤云秋滿吳天八月中潮頭萬丈駕西風雲驅蛟
蜃雷霆闖水擊鯤鵬渤海空自古江山誇壯觀至
今父老說英雄諸溪近海徒相應氣勢那能與此
同孤山霽雪云山頭白白六花鋪水面青青一鬢
孤翠鳳搏雲朝具闕玉樓擎日出冰壺梅花正好
衝寒探竹葉何妨踏凍沽千載林逋畱勝迹摠因
佳境在西湖兩峰白雲云西湖之上兩奇峰高入
太虛雲氣中華蓋漸迷青縹緲浮圖時見碧玲瓏
陰連海眼龍歸洞影散天心鶴繞空幾度登臨舒
遠眺英英佳氣盪吟胸東海朝暎云一道長江接

海門扶桑影動浴朝暎銅盤迥立仙人掌金柱中
撐玉女盆出水赤烏噉火躍隨潮白馬挾雷奔負
暄亦有磯頭老欲効微芹獻至尊北關夜市云北
城晚集市如林上國流傳直至今青苧受風搖月
影絳紗籠火照春陰樓前飲伴聯游袂湖上歸人
散醉襟闌闌喧闐如晝日禁鐘未動夜將深九里
雲松云喬松萬樹摠良材九里青雲一逕開雲氣
直從天竺去濤聲長傍海門來人行道上依濃樾
子落僧前點嫩苔山水清暉增偉觀托根元不愧
徂徠六橋烟柳云畫橋六曲繞湖頭最愛晴烟柳

上浮淺水籠寒橫。晷微風熏暖弄輕柔。金梭隱見聞黃鳥。錦纜縈紆出綵舟。徧倚赤闌頻注目。爲憐張緒舊風流。靈石樵歌云。靈石塢頭樵逕連羣樵。唱和石頭前。猿啼鶴唳清相似。野調山腔近自然。木杪綠厓通窈窕。竹根濯澗雜潺湲。白雲遏處清風發。吹入長松勝管絃。冷泉猿嘯云。冷泉亭外松千樹。時有老猿啼樹間。逐侶出雲風動壑。呼兒歸洞月橫山。曉空蕙帳人初去。秋入荷衣客未還。清響不同巴峽怨。時時嫋嫋和潺潺。和貢友初西湖詩佳趣誰全得。閒情自軼羣。買舟聽夜雨。立馬

看春雲。酒伴期相共。詩題得屢分。西湖天下景。坡句昔曾聞。約人遊湖詩。明日湖中去。先期問畫船。分醪開臘棧。裹茗試春泉。知己能忘會。同心托就延。段家橋畔柳。拂曙看鶯遷。

高孟升晚春曲。香雨飄紅換新綠。雛鷺怨咽參差玉。畫闌墜露泣殘妝。遠翠愁山蛾黛蹙。勞勞乳燕說烏衣。海天凝雲烟草迷。東流苦長西日短。惆悵花前鷓鴣卮。繡幕深沈雨聲小。夢入神山良夜悄。鏡裏韶華又一年。曲渚鷄鳴錦屏曉。瞿宗吉春曉曲。子規啼罷東方白。香露寒凝海棠魄。帳捲流蘇夢

乍醒妝臺試點宮梅額。鶯儂燕侶乘風來。隔林巧
語傷幽懷。金錢買花不論價。俏枝斜插雙頭釵。瞳
瞳紅日射。牕映霧如烟。薰翠柳。鞦韆嬾蹴綵繩
閒。滿頰胭脂中卯酒。二篇詞調俊逸。風致可想也。
凌彥翀雲翰。仁和人博通經史。領至正十九年鄉薦。
除平江路學正。不赴。作梅詞。霜天曉角。一百首。柳
詞。柳梢青。一百首。彌梅柳爭春韻調俱美。洪武初
舉杭州府學訓導。陞成都府學教授。卒。所著有柘
軒集。其南山飛流亭詩。山溜泠泠來不竭。激成飛
瀑散空明。虹霓下飲秋無際。河漢西流夜有聲。橫

劍誰思。仙子過作亭人。羨老僧清。平生慣誦天台
賦。不記香爐記。赤城重過。柳洲寺詩。買花載酒。憶
當年。風景依稀最可憐。彭澤有人歸栗里。海波何
處變桑田。聯拳鷺立枯荷。雨寂。實鴉棲古樹。烟幾
度。湧金門外壘。居民猶說。揔宜船。西湖漁者詩家
住。錢唐西子湖。釣竿幾度拂珊瑚。扁舟載月歸來
晚。不覺全身入畫圖。

洪武庚申冬。彥翀爲人題鍾馗圖云。朔風吹沙。目欲
眯。官柳搖金梅綻葉。終南進士。倥然起。束帶藍袍
靴露趾。手掣硬黃書。一紙若曰。上帝錫爾祉。蝟磔

于思含老齒。願指守門茶。與壘肯放妖狐。搔九尾。一聲爆竹人盡靡。明日春光萬餘里。題罷掀髯自得。不數日辟書臨門。迫脅上路。到京竟有成。都之行。遂成詩。識在任以乏。貢舉謫南荒。卒歸骨西湖。瞿宗吉作詩送之云。一去西川隔夜臺。忍看白壁瘞蒼苔。酒朋詩友凋零盡。只有存齋冒雨來。

楊復初築室南山。以村居爲號。凌彥翀以漁家傲詞壽之云。采芝步入南山道。山深宛似蓬萊島。聞說村居詩思好。還被惱。蒼苔滿地無人掃。載酒亭前松合抱。客來便許同傾倒。玉兔已將靈藥搗。秋意

早。月華長似人難老。復初和詞云。當時承盟求仙道。那知薄命如郊島。留得殘生猶自好。多懊惱。摩緣俗慮何時掃。掃子已成童。無用抱。醉眠任使和衣倒。今歲砧聲秋未搗。涼氣早。看來只恐中年老。瞿宗吉和詞云。喜來不涉邯鄲道。愁來不竄沙門島。惟有村居閒最好。無事惱。苔階竹徑頻頻掃。有酒可斟琴可抱。長年擬看三松倒。曰。內靈砂親自搗。歸隱早。朝廷未放玄真老。宗吉既和此詞而復序云。舊譜皆以仄聲起。歐公呼范文正爲窮塞主。首句所謂塞上秋來者。正此格也。他如王荆公之平

西泠志餘卷之三十三
十一
岍小橋千嶂抱。周清真之幾日春陰寒惻惻。謝無
逸之秋水無痕清見底。張仲宗之釣笠披雲青嶂
遶亦皆如是。今二公皆以平聲易之。特著此以俟
知音爾。

彥狝作無俗念詞云。等閒屈指算。今來古往誰爲英
傑。耳目聰明天賦予。怎肯虛生虛滅。去燕來鴻。飛
鳥走兔。世事何時歇。風波境界。大川不用頻涉。空
踏遍萬戶千門。五湖四海。一樣中秋月。正面相看
君記取。全體本來無缺。空裏非空。夢中真夢。莫向
癡人說。須騎鶴。夜深朝禮金闕。又蝶戀花詞云。一

色杏花三百樹。茆屋無多。更有花深住。旋壓小槽
留客醉。舉杯忽聽黃鸝語。醉眼看花花亦舞。風妬
殘紅。飛過隣牆去。恰似牧童遙指處。清明時節紛
紛雨。詞格清逸。一洗鉛華。非駢金儷玉者比也。

莫景行維賢錢唐人雅尚標致。築別業于靈竺之間。
繞栽杏樹。號曰杏園。日與騷人墨客遊詠。其中時
人比之輞川庄也。黃潛詩云。旋移小隱傍南峰。遠
有咸平處士風。山態近人猶偃蹇。湖光無雨亦溟
濛。行春杖履時時到。臨水軒窓面面通。別作新亭
供戲劇。青帘搖曳杏花中。張輿詩云。文園近日復

何如杏樹莊頭好隱居。塵隔不知城市熱。門開只見稻麻疎。碧窓清晝閒評藥。綠樹涼風獨枕書。喜得江村殘暑退。拏舟擬欲到行廬。洪武初曾爲杭庠訓導。所著有廣莫子稿。其祖凝少真人者。前元時高士也。卒塋棲霞嶺。虞邵庵爲之碑記。張行中爲之賸詩云。相國流芳到棟華。隱居湖上對棲霞。清連後澗神仙境。幽勝孤山處士家。華表秋霄空落月。杏莊寒食幾飛花。如今獨有雙碑在。人物俱非重可嗟。

潘時雍錢唐人。字簡淡。力學詩句。脫塵彌灌園生。徐一

夔爲之序曰。錢唐潘時雍。讀書賸詩。廉介自將。視當世富貴。雖非不願欲者。使其脂韋取容。以僥倖一時。寧貧賤而肆志。郡城之東二百步。而近有地十餘畝。古井一區。宋輦院基也。入于居民久矣。荒棄弗治。暇日過見之。徘徊相度曰。是豈不足爲吾生乎。既而購得之。除治一畝爲廬。用其餘地。析而爲畦。縱橫數十塍。茹菜若干品。天稍不再。輒置桔槔井上。俯前仰後。聲軋軋如龍鳴。出井水以灌。已則攝弊衣履。循行畦間。顧見菜色青青。若綠雲覆地。喜曰。生意若此足矣。掇其脆美。爲其父母妻子

供具而用其餘。賣諸市中。日以爲常。不輟。或曰。錢唐陸海之府。魚鹽蜃蛤之所產。羽草竹箭之所生。象犀珠玉之所聚。街居之民。用貧求富。十金爲母。則子百金。百金爲母。則子千金。萬金若此者。家相望也。又其地爲今行省丞相治所。往時承平。丞相守法而已。今天下多故。丞相承制。得自爵祿。人卜醫衆技。苟有以自見。不必去妻子。違父母。跋涉遠道。輒致位顯。要紆金曳紫。翱翔康莊之衢。中世以降。道德之意泯矣。惟聲與利。可以驚動世俗。子年甚富。又居聲利之場。不爲彼以取寵榮。顧乃爲此。

何哉。時雍曰。嘻。夫尺有所短。寸有所長。彼所能者。我則不能。吾亦豈能枉吾之性。以我所不能爲彼之能。故寧自附于農家者流。使人稱之曰灌園生。灌園生不辭也。嗟夫。習俗之移人也久矣。自今以往。錢唐之人。不尚貨殖。而尚德義。不尚奔競。而尚恬退。不自時雍始乎。余固序其出處。以爲趨附聲利者勸焉。時雍嘗爲一夔。賸獨樹軒詩。瀟洒幽軒。面水開軒。前老樹倚雲栽。閒來倚杖過三匝。醉後支頤看百迴。風雨欲隨龍化去。雲霄常聽鶴飛來。結鄰擬共榮枯事。遮莫人知是散材。

張行中與仁和槎溪人。洪武初上書論時務稱旨授
刑部主事。詞翰清麗。弟行素輅咸有文名。兄弟友
愛。所著有聯輝集。行中秋日湖中詩。風波千頃畫
船開。吹近芙蓉影裏來。倒捲綵霞翻舞袖。斜飛白
雨溢行杯。總宜園冷花無主。蘇小墳空草作堆。爲
倩金戈揮落日。秋聲莫向樹頭催。湖上分韻得香
字。詩晴麓雲橫萬里長。出門步步是春光。近湖酒
閣多紅杏。隔岬漁家盡綠楊。簫鼓聲寒心自醉。綺
羅魂冷骨猶香。漫遊不是矜年少。贏得閒情似洛
陽。約可閒老人訪王藥圃詩。明朝寒食風日晴。可

閒欲同湖上行。先拾玉壺園上翠。却聽瑤石山前
鶯。茶鐺煩爲試新火。杏酪不須和冷錫。君若肯將
花逕掃。日高相與到柴扃。次韻元宵詩。月到中宵
午。漏深青衫羅薄露華侵。鰲浮仙島春無際。人下
歌樓醉不禁。大地金蓮分夜色。上方玉燭慰民心。
歸來更有傳柑宴。坐列宮釵十二金。聞王立本江
上觀潮詩。兩月竟違王翰面。近聞無事看胥濤。鳳
凰相對暮雲合。牛馬不分秋水高。望去波瀾接天
宇。坐令霜雪侵髣髴。江臯賴有逯文學。應與論詩
對濁醪。江潮詩。羅刹江頭八月潮。吞山挾海勢雄

豪六鰲倒捲銀河濶萬馬橫奔雪嶂高自是乾坤
通氣脉應非神物作波濤吳兒弄險須臾事坐看
平流濟萬艘行素次韻王志道元夕感興詩沈水
香生寶篆烟九衢車馬正喧闐金蓮徧燭三千界
銀甲誰彈五十絃天上樓臺春靡靡人間風月夜
娟娟少年行樂情懷異絳蠟籠紗六轡聯

遠西臯者元左丞曾孫也占籍錢唐工文翰有雅
趣仕行省都事內附後棄官居西湖八十五歲卒
張行中嘗贈之詩云無官貧亦樂有暇趣偏寬身
世雙蓬鬢功名一釣竿透窻蟾影淡落枕鴈聲寒

猶恐梅開早扶筇雪裏看又云冠製黃楊窄巾裁

皂葛寬仙衣新鶴氅吟杖小龍竿日短棋消暇風

高酒禦寒興來書數紙穉子已能看又八十古難

能風流事慣曾醉防醒眼怒老畏少年憎鶴髮垂

寬領鰕身倚瘦藤咲談殊未倦把酒勸山僧子宏

洪武初選補杭州府學生從徐大章年十八陳時

政得失高皇帝悅之試秋柳賦稱旨吏部奏宏

年少賜歸卒業尋以鄉貢歷教淞江武進宏子端

舉進士官刑部員外郎未樂中扈從北征死于戰

瞿宗吉佐錢唐人學博才贍風致俊朗少不爲其父

所知鄉人張彥復自福建檢校回家瞿翁殺雞具酒待之宗吉年十四適自學舍歸彥復指雞爲題命賦之宗吉應聲云宋宗憲下對談高五德聲名五彩毛自是范張情義重割烹何必用牛刀彥復大加稱賞手寫桂花一枝并題其上以贈云瞿君有子早能詩風采英英蘭玉姿天上麒麟元有種定應高折廣寒枝瞿翁遂構傳桂堂而凌彥冲丘彥熊吳敬夫咸鄉丈與爲忘年友一日楊廉夫訪之出所作香奩八詠以示宗吉宗吉悉和之其花者跋云燕尾點波微有暈鳳頭踏月悄無聲

眉顰色云恨從張敞毫邊起五言向梁鴻案上生金錢卜歡云織錦軒窗聞笑語五言蘋洲渚聽愁吁香頰啼痕云班班湘竹非因雨點點楊花不是春廉夫嘆服曰此瞿家千里駒也洪武中以薦舉授臨安學訓導累陞周府長史所著有存齋集永樂間宗吉以詩禍下錦衣獄盱江胡子昂亦以詩禍踵至子昂以東坡係御史臺獄二詩索瞿和瞿詩云一落危塗又幾春百憂交集未亡身不才棄片逢明主多難扶持墜故人有字五千能講道無錢十萬可通神忘懷且共團藥坐滿炷爐香說善

因酸風苦霧雨淒淒。愁掩園扉坐榻低。投老漸思
依木佛。受恩未許赦金雞。艱難饋食憐無母。辛苦
迴文賴有妻。何日湖船載春酒。一篙撐過斷橋西。
已而宗吉謫戍保安者十年。時與河失守。邊境蕭
條。永樂己亥。降佛曲於塞下。選子弟唱之。時值元
宵。宗吉凄然作壘江南五首云。元宵景野燒。照山
明。風陣摩天將夜半。斗杓插地過初更。燈火憶杭
城。元宵景景共。陌少人行舍。比孤兒。偎冷坑。墻東嫠
婦哭。寒檠上。女憶杭城元宵景。刁斗擊殘更。數點
如烽明遠戍。幾聲寒角響空營。歌舞憶杭城。元宵

景默坐白。傷情破灶三盃黃米酒。寒窗一盞濁油
燈。宴賞憶。仇城元宵景。淡月伴疎星。戍卒抱關敲
木柝。歌童才市唱。金經簫鼓。憶杭城。

宗吉西湖秋泛。滿庭芳詞。露葦催黃。烟蒲駐綠。水光
山色相連。紅衣落盡。辜負採蓮船。點檢六橋楊柳。
但幾箇抱葦殘蟬。秋容晚。雲寒鴈背。風冷鷺鷥肩。
華筵容易散。愁添酒量。病減詩顛。况情懷冲澹。漸
入中年。掃退舞裙歌扇。盡付與一枕高眠。清閒好。
脫巾露髮。仰面看青天。又西湖四時壘江南詞。西
湖景春日最宜晴。花底管絃公子宴。水邊羅綺麗

人行十里按歌聲。西湖景夏日正堪遊。金勒馬嘶垂柳岍。紅粧人泛採蓮舟。驚起水中鷗。西湖景秋日更宜觀。桂子岡巒金粟富。芙蓉洲渚綵雲間。爽氣滿山前。西湖景冬日轉清竒。賞雪樓臺評酒價。觀梅園圃訂春期。共醉太平時。

宗吉平日著作散亡者蓋不少也。暇日得其逸稿律詩近體共十五篇。錄以自適。題則天故內詩。堪恨當年武媚娘。手持唐璽坐明堂。不思仙李方三葉。却愛蓮花似六郎。廢苑荆榛來雉兔。故宮禾黍沒牛羊。尚餘數仞頽垣在。遙對龍門山色蒼。秋日書

懷詩五窮何日是歸年。幾費奴星結柳船。善價誰求司馬賤。癡心欲借尉遲錢。六通未具難成佛。九轉無疑謾學仙。一事尚爲今日幸。免供徃後爲無田。暮春書事詩。過墻新竹翠交加。綠樹陰陰噪乳鴉。花到酴醾香結局。鳥鳴鶻鳩客思家。煮茶湯沸風聲轉。夢草詩成日影斜。零落殘紅青子滿。漸看金彈熟枇杷。睡起呼童掃落花。石泉槐火試新茶。樹林深處蜂王國。簾幙陰中燕子家。柳絮乘風投硯水。竹枝搖影落窻紗。幽居莫道無官况。鼓吹猶存兩部蛙。旅舍書事詩。過却春光獨掩門。澆愁謾

有酒盈尊。孤燈聽雨。心多感。一劍橫空。氣尚存。射
虎何年。隨李廣。聞雞中夜。舞劉琨。平生家國。縈懷
抱。濕盡青衫。揔淚痕。邠屋三間。白板扉。棲遲四壁
嘆多違。楊雄投閣。功名薄。王粲登樓。事業非。白晝
夢回。梁燕語。青天目送。塞鴻歸。東門黃犬。華亭鶴
舉世無人。悟此機。清明即事詩。風落梨花雪。蒲庭
今年。又是一清明。游絲倒地。終無意。芳草連天。若
有情。蒲院曉烟。聞燕語。半窗晴日。睨蚕生。鞦韆一
架名園裏。人隔垂楊聽。咲聲夜涼詩。瀟瀟木葉打
窻扉。又送新涼入。敝帷。煩不及時。秋後雨。淡而有

味。客中詩。還家自愧。蘇秦婦。交友誰知。蔡克兒。不
寐起來搔首坐。繞庭促織替人悲。題伍胥廟詩。一
過叢祠。淚滿襟。英雄自古少知音。江邊敵國方嘗
膽。臺上佳人正捧心。入郢共知雙鬢雪。沼吳誰識
恨尤深。素車白馬。終何益。不及陶朱。像鑄金。有感
詩。世事年來似奕棋。可堪歲月去如馳。肉生髀骨
英雄老。金盡牀頭富貴遲。蹈海莫追天下士。折腰
難事里中兒。可憐滿眼新亭淚。對泣無人只自悲。
夏晚納涼詩。竹床藤簟晚涼天。卧看星河小院偏。
雲影恰如衣暫薄。月華那得扇長圓。清泉冷浸冰

盤果嘉樹香籠寶鼎烟。想是高樓風更爽。玉人閒
按十三絃。清明賦絕句詩。兼旬躡蹬在京華。又見
東風御柳斜。客裏不甘佳節過。借人亭館看梨花。
池河道中詩。牽牛花碧豈花黃。血色蜻蜓點水忙。
人在漁村斜照裡。數聲短笛隔垂楊。齋居觀物詩
蕉葉陰陰艾葉香。菖蒲苗短菊苗長。夜來知有蝸
牛過。一道銀光在粉牆。出巢新燕傍簾帷。乳鳥浮
沉水滿陂。葉底青虫時節至。化爲蝴蝶上花枝。
宗吉風情麗逸。見之詩篇者。往往有歌扇舞裙之興。
金公素謂之司空見慣者。誠然也。夏時正修杭州

府志獨不錄其詩詞。而白蘇楊薩偃紅倚翠之篇。
悉皆裒採。豈非貴耳而賤目者哉。宗吉嘗著剪燈
新話。一編粉飾閨情。假託冥報。雖屬情妖麗遊戲。
翰墨之間。而勸百諷一。間有可采。或謂秋香亭記。
乃宗吉事。使其果然。亦元微之會真意也。桂孟平
讀此書。而作歌一篇。語涉諷刺。而思致穠縟。可誦
也。其詞云山陽才人疇與侶。開口爲今闔。爲古春。
以桃花染性情。秋將桂子薰言語。感離撫遇心忤。
忤。道是無憑。還有憑。沉沉帳裏。晝吹笛。煦煦窗前。
宵剪燈。倏而晴兮。忽而雨。悲欲啼兮。喜欲舞。玉簫

倚月吹鳳凰。金柵和烟鎖。鸚鵡造化有跡。尸者誰
一念纔萌。方寸移善善惡。惡苟無失。恠恠奇奇。將
有之。丈夫未達。虎爲狗。濯足滄浪泥。數斗氣寒骨
聳錚。有聲脫幘。目光如電走。道人青蛇天動搖。不
斬尋常花月妖。茫茫塵海漚。萬點落落雲。松酒半
瓢。世間萬事幻泡爾。徃徃有情能不死。十二巫山
誰道深。雲母屏風薄如紙。鶯鶯宅前芳草棲。燕燕
樓中明月低。從來松栢有孤操。不獨鴛鴦能並棲。
又在錢唐江上住。厭見潮來又潮去。燕子啣春幾
度回。斷夢殘紅落何處。還君此編長嘯歌。便當酌

以金叵羅醉來呼枕睡。一覺高車駟馬遊南柯。

宗吉漫興詩云。自古文章厄命窮。聰明未必勝愚蒙。
筆端花與胷中錦。賺得相如四壁空。盖有激而云
然也。又書生嘆云。書生嗜書被書惱。居不求安食
忘飽。微吟朗誦無了期。妻怨兒啼鄰里誚。東家郎
君狐白裘。終宵醉眠寶釵樓。西家壯士金鎖甲。萬
里勇斬樓蘭頭。堆金積玉誇豪貴。眼底何曾識丁
字。休言富貴有危機。信知文字真愁具。從今投筆
復棄書。擬學東臯農把鋤。妻復苦諫兒搥手。近來
差科重田畝。其感時傷事抑又甚焉。馬浩瀾感其

詩作畫堂春詞云蕭條書劍困埃塵十年多少悲
辛松生寒澗背陽春勉強精神且可逢場作戲寧
須對客言貧後來知我豈無人莫謾沾巾乃今瞿
馬之名照耀文苑當年牢落安足嘆耶

王希範洪仁和人永樂間年十八舉進士授行人入
翰林檢討與脩永樂大典爲副總裁陞侍講主考
禮闈時胡文穆公摠裁國史希範因言其書徵處
士胡祺于五星聚奎之下若以其祥爲祺發者公
爲祺子疑有私焉且國家文明正不藉此爲重文
穆公從之而心憾其言尋改禮部主事部之長缺

詔洪署部印練習稱旨詔作佛曲序洪逡巡不敢
應制遂爲同列所排不復進用晚得末疾卒著作
多散落不存存者毅齋存稿其遊西湖詩紅蓮白
蓮開滿湖小娃唱歌閒且都故人相會能幾度美
酒何妨傾百壺雙拳藏闔握松子萬錢賭勝賽樗
蒲暮歸酩酊白馬上誰識山翁非酒徒夏日閒居
詩綠竹蒼松引夏涼方塘曲沼藕花香兩峰獨對
空山靜一鳥不鳴清晝長春得細糧如玉子釀來
新酒勝瓊漿人生快意能如此何用荒唐入醉鄉
陳士寧仁和人涉獵書史喜賓客與同邑鄭璧夏誠

交莫逆如兄弟。然皆好吟詠。時時同棹湖中狎玩。魚鳥蓄古法。書名畫。藝器相過。品鑒有通家。好士寧之。毋與璧之。毋皆高年。奉之均爲子行。毋歿。互服。總麻。士寧居鹽橋七寶巷中。又徙獨山。全斯立。贈之詩云。青字營西小巷幽。衡門寂寂思悠悠。一生清事無閒日。夾徑黃花滿院秋。賣帖偶逢官巷口。評詩共宿獨山頭。誰知擾擾紅塵裏。荷蕢行歌得自由。張輅詩云。橫溪別業錦雲鄉。紅白蓮花薜荔牆。百事不關心。獨靜孤雲無着興。偏長佳人雪藕供微醉。童子分茶坐晚涼。如此好懷誰解寫。詩

成還讓孟襄陽。

桂孟平衡仁和人。洪武中爲錢唐學脩業齋訓導。遷山東轉谷府奉祀。卒于長沙。所著紫薇稿。其送王惟中代屠先生詩。秋來忽得桂衡書。又報王郎去。聽除。若有鄉情須記我。便生官况也從渠。山中歲月三邊鴈。客裏饔飧兩饌魚。此去上林方校獵。要因奏賦識相如。蘇李泣別圖詩。我生自恨不如死。君死誰知更得生。十九年前今日泪。都無一點爲功名。九日陪陳廣文貢有道游伏龍岡新庵詩。久客思歸未賜環。登高且上鳳凰山。空將青眼看重

九不見黃花露一斑。老境更從天上健。僧房常記
 客偷閒。廣文不是無官舍。那得清幽似此間。春暮
 詩。恐將愁眼看韶華。桃李無言日月斜。晚白菜肥
 蠶出火。冬青花落燕成家。歸田誰復如賓饁。入室
 今惟對影嗟。無可奈何聊且睡。不勞春夢繞天涯。
 雲濤軒詩。高臺圖畫自天開。下有軒居亦壯哉。雲
 氣四時多似雨。濤聲八月大如雷。直看槎泝天潢
 去。莫遣舟乘雪夜回。擬待他年具舟楫。中流小試
 濟川才。安節堂詩。晚節何由得此安。阿兒能孝母
 心寬。蠮蟀曉饌來江浦。絡繹秋聲上井闌。松栢耐
 於花易過。衣裳偏是綵。宜看登堂為爾歌。眉壽春
 酒香濃奈子丹。

西湖遊覽志餘第十二卷終

西漢書卷之三

Blank columns for text within the main frame.



程